



فؤاد حوسین:

12

ناتوانم هه موو
شتیک ئاشکرا بکه م

Bersivek *Havîne*
ji bo Hewlêriyan
heye

» 9



Hejmar / Nr. 147
17 Gulan / Mai 2012

ROJNAMEYA
KURDÊN
DIYASPORA

ÇAPA EWROPA
Rûdaw

Deutschland 1,50 Euro | Österreich 1,50 | Belgium 1,50 Euro | Danmark 15,00 DKK | France 1,50 Euro | Nederland 1,80 Euro | Norway 15 NOK | Schweiz 2,70 CHF | Sverige 21,00 SEK

Peymanek Nû

Li gor rapirsiya li 11 bajarên Kurdan,
xwestekên Kurdan yen sereke ev in:

✎ Statûya siyasî: **81%**

✎ Perwerdehiya bi kurdî: **92%**

3 / 11 »



Kupon
147

Sefereke bê pere bo Kurdistanê

5 rojnameyan bikire û
bilêtekê qezenc bike

Nav û navnîşana we:

Telefona we:



5 kuponên ji
hejmarên cûda
yên Rûdawê bibire
û ji vê navnîşanê
re bişîne:

Rûdaw Media GmbH
- Tîrûpişk -
Gutenbergstr 63 a
50823 Köln / Almanyayê

Nav, navnîşan
û telefona xwe
ji bîr nekin

Bi sponsoriya
City Tower
(Hewlêr)

Parêzer Uzun

Buroya Parêzeriyê

Em li seranserê
Almanyayê
di xizmeta we de ne

Agahiyên zêdetir ► 12

Reklam



Nûçe, raport û hevpeyvînên
taybet. Herroj, 24 saetan.

Rûdaw.net

www.rudaw.eu
info@rudaw.eu

Şansekê bidin Mohamêd!

» Zarokê penaber ji kampa Domîzê/Dihokê dimire, eger bilez neyê emeliyat kirin

Köln (Rûdaw) - Hem bê nasname, hem penaber, hem jî giran nexweş: Gava Mohamed Salih Qubat çavên xwe li dinê vekir, bê şans bû. Zarokê 10-salî ji Dêrika Hemko ne tenê weke malbata xwe li Sûriyê bê nifûs û ji hemû mafên bingehîn bêpar bû, ew herwiha bi nexweşiyê giran a dil jidayikbû. Dilê wî bi kun e û damarê bingehîn a ku diçe "pişikê" xetimî ye; di ser de jî bergê wî yê dil, ku bi damarê bingehîn a cesedê ve girêdayî ye, ne baş girtî ye. Niha jî metirsiyê gellekî mezin heye ku dilê Mohamed, ku ev 8 sal in tevî malbata xwe li kampa penaberan a Domîz/Dihokê di

nava perîşantiyê de dijî, her kêliyê bisekine û dawî li jiyana wî bîne. Ancax emeliyateke mezin dikare wî kurikî ji mirinê xelas bike. Lê mercên teknolojiyê û pisporiya doktorên li Başûrê Kurdistanê ji bo emeliyateke wiha kompleks têrê nakin. Lewma nexweşxaneya zanîngeha Bonnê li Almanyayê bi her şeweyî xwe daye ber ku Mohamed li Almanyayê derman bike. Rêvebirê beşa kardiolojiya zarokan ya Universitätsklinik Bonn, Prof. Dr. Johannes Breuer, ji bo berhevkirina mesrefên dermankirina Mohamed, ku nêzîki 30.000 € wê lê mesref bibe, bi kampanyayê mezin bang li



gelê xêrxwaz dike ku ji bo Mohamed bibin alîkar. Li aliyê din konsolosxaneya Almanyayê li Hewlêrê jî ji vî rewşa aloz haydar e û soz da ku, eger mesrefên dermankirinê werin dayin, ewê jî ji ber sedemên hûmanîter pa-

saportekê ji Mohamedê "bê nasname" re çêbikin, daku ew derbasî Almanyayê bibe.

Xêrxwazên ku pirsên wan derbarê alîkariya ji bo Mohamed hebin, dikarin bi Jomana Djoumma (jomanadjoumma@

hotmail.com, Tel.: 0049-228-92989178, Mobîl: 0049-178-8495283) bikevin têkiliyê.

Jomana hem bi malbata Mohamed, hem bi nexweşxaneya Bonnê di nava pêwendiyê de ye.

Kesên ku dixwazin alîkariya Mohamed bikin, dikarin vî yekê bi rêya vî hesabê bankayê bikin:

Hundirê Almanyayê:

Xwediyê hesab (Kontoinhaber):
Universitätsklinikum Bonn
Banka (Kreditinstitut):
Deutsche Bank Bonn
Hejmara hesab (Kontonummer): 0313791

Hejmara bankayê (BLZ): 380 700 59
Armanca pereşandinê (Verwendungszweck): G-022.0022 Mohamed (dagirîna vî rêzê gellekî pêwîst e, daku xebatka-

rên nexweşxaneyê zanibin ku pereyê hatin şandin ji bo xelas kirina Mohamed in)

Derveyî Almanyayê:

Nav: Universitätsklinikum Bonn

Banka: Sparkasse Köln/Bonn
Hesabê navnetewî ya bankayê: IBAN (International Bank Account Number): DE52370501980010650661
Swift-BIC: COLSDE33

Xêrderên ku pêdiviya wan bi kaxetê fermî (Spendenbescheinigung) heye, ji bo bikaribin pereyên ku dane vî aksiyona xêrxwaz ji bacên xwe qut bikin, dikarin têkiliyê bi nexweşxaneyê Bonnê re deynin:

Prof. Dr. Johannes Breuer
Direktor der Abteilung Kinderkardiologie
Zentrum für Kinderheilkunde des Universitätsklinikums Bonn

Telefon: 0228/287-33350

E-Mail:
johannes.breuer@ukb.uni-bonn.de

Rûdaw

Rojnameyê siyasî û heftane

Xwedî
Rudaw Media GmbH

Sernûser
Ako Mihemed
akopress74@yahoo.com

Rêvebirê Nivîsinê
Nasredin Akyol
nasredin@rudaw.eu

Redaksiyon
Mehmet Sebatli
sebatli@hotmail.com

Besam Mistefa
wardoz@gmail.com

Mihemed Tahir
mtahir2011@windowslive.com

Dîzayner
Hamdullah Yumlu

Îdare û belavkirin
Mustefa Seîfî Edilbî
gare2005@hotmail.de

Şewirmendê yasayî û aborî
Ayhan Çiftçi

Marketing û reklam
Mansour Sedghi
m.sedghi@rave-online.org

Navnîşan
Rudaw Media GmbH
Gutenbergstr. 63a
50823 Köln/Germany

Pêwendî
Telefon: +49 (0) 221-26 00 40 02
Telefax: +49 (0) 221-26 00 49 81
www.rudaw.net / www.rudaw.eu
info@rudaw.eu

Belavkirin / Vertrieb:
Axel Springer Vertriebsservice GmbH
Süderstraße 77
20097 Hamburg
www.as-vertriebsservice.de

Rûdaw ji bo nivîsên ku bi nav tînin weşandin ne berpirsyar e.

© Hemû maf parastî ne

Memûrekî îcrayê dawetek Kurdan têk bir



Köln (Rûdaw) - Saeta xelatdayînê bû, dema ku 30 polîsên awisturîyê bi ser salona wan a dawetê de girtin û zava bi xwe re birin. Li salonê derdore 2000 mêvan amade bûn. Sûcê zavayê kurd: Şirîkekî wî yê berê giliyê wî kiribû û ew bi wê yekê sûcdar kir ku ew bi pereyên wî daweta xwe çêdike.

Ev bûyera balkêş nivê meha Adarê 2012 li gundekî nêzî paytexta Awisturîya Viyanayê çêbû. Ji hingî ve filmên video yê daweta Onur G. (35) û Yasemin (25) li ser youtube û malperên din rojane bi hezaran caran tê tîkandin û şîrovekirin. Hin ji wan kesên ku filman şîrove dikin nerazîbûn û dilgiraniya xwe tînin ziman ku



Riza Demir (jor): Wan bi pereyên min daweta xwe çêkirin, min ji pereyên xwe xwestin.

çima polîsan di roja dawetê wan herdu ciwanan de bi ser wan de girtin û hinek kes jî henek û laqirdiyên xwe bi Onur G. û Yaseminê dikin. Heta televizyonên almanî jî bûyera daweta Kurdên li Viyanayê ji xwe re kirin mijar.

Berpîrsê vî serdegirtina memûrekî îcrayê (bi fermana dadgehê pereyan ji denydaran distîne) û 30 polîsên awisturîyê bi ser daweta Onur û Yaseminê de, Kurdekî din yê 57 salî bi navê

Riza Demir bû. Riza Demir wiha behsa bûyerê kir: "Piştî ku ez 30 salan li hotela Intercontinental xebitîm, min dixwest ku ez restorantekê ji xwe re vekim. Wekî şîrîk jî ez û malbata Onur G. li hev hatin. Berê jî wan pereyên xelkê dixwarin û wan ez jî xapandim. Çar dozên min li hemberî wan dimeşin, lê heta niha min ti pere ji wan wernegirtine. Ez jî ji wan aciz bûm ku deynên min nadin, lê li aliyê din bi dehhezaran Euro ji bo daweta xwe xerc dikin. Jixwe pîrsgirêk ne ew e ku pereyên wan tine, ew naxwazin deynên xelkê bidin wan "

Tevaya pereyên ku polîsên awisturîyê dikarîbûn wê şevê bi dest bixin, tenê 600€ bû. Ev hejmar biçûk jî hîn bêtir bû sedema nerazîbûnan. Li gor qanûnên Awisturîyê, memûrekî îcrayê dikare tenê pereyên bi kesê sûcdar re ji wî bistîne û bi Onurê zava re tenê 600 € hebûn. Polîsan nikarîbûn xelatên bûk û zavê ji wan bistînin.


Sîrketa Rapirsînê ya SAMERê li 11 bajarên Kurdan (Amed, Agirî, Êlih, Bedlîs, Çewlik, Colemêrg, Mêrdîn, Sêr, Riha, Şirnex û Dêrsimê) rapirsînek çêkir. Di rapirsînê de ji sedî 81,5 ji bo Kurdan statûya siyasî xwestin. Ji sedî 92 perwerdehiya bi kurdî xwestine. Kesên ku federasyon, xweserî, serxwebûn û xurtkirina rêveberiyên herêmî xwestine pirr in. Tiştê balkêş ew e ku alîgirên AKPê jî bi qasî alîgirên BDPê statûyek ji bo Kurdan xwestine. Ji sedî 31ê kesên ku tevî vê rapirsînê bûne dengê xwe didin AK Partiyê. Şewirmendê SAMERê yê vê rapirsînê û serokê Baroya Amedê, parêzer Mehmet Emîn Aktar, encamên vê rapirsînê ji Rûdawê re şîrove kirin.

We çima hewcedar î bi rapirsîneke wiha dît?

Dema meseleya çareserkirina pirsgerêka kurd tê nîqaşkirin, tim pîrsa "Kurd çi dixwazin?" tê kirin. BDP xweserîya demokratîk dixwaze, HAK-PAR û KADEP federasyonê diparêzin. Lê bi rastî jî xweserî û federasyon wê li ser kîjan esasî çêbikin, sînor ji kû dest pê dike û li kû diqede, kesek nabêje. Di vê pêvajoya ku makeqanûn tê amadekirin de, me xwest em ji gelê Kurd bipirsin ka çi dixwaze. Ji ber vê yekê me li 11 bajarên Kurdan ev rapirsîn çêkir. Me dixwest li gorî vê

Encama rapirsîna li 11 bajarên Kurdan: 81% Kurdan statû dixwazin

Kurd li Bakurê Kurdistanê çi dixwazin?



şeklî îdare nabe. Dixwazin sîstema îdarekirina Tirkîyeyê biguhere. Yên xweserî, serxwebûn û federasyonê dixwazin hene. Kesên ku dixwazin îdareyên herêmî xurt bibe, hene. Lê di encamê de ji sedî 80 jortir ji bo Kurdan statû dixwazin.

Yên ku statû dixwazin tenê BDPyî ne yan dildarên AK Par-

gîrên AK Partiyê statû dixwazin.

Yên ku rayên xwe dane BDPê çi dixwazin?

Ji sedî 20 serxwebûn, ji sedî 55 xweserîya demokratîk, ji sedî 15 federasyon xwestine. Ji sedî 96 BDPyan statû xwestine. Bi tevahî yê ku di vê rapirsînê de cîh girtine, ji sedî 19 serxwebûn, ji sedî 41 xweserîya demokratîk, ji sedî 12 federasyon xwestine û ji sedî 9 xurtkirina otonomiya herêmî xwestine. Yanê ji sedî 82 statû xwestine. Dibe ku encama vê rapirsînê ne li gorî dilê AK Partiyê û ne jî li gorî dilê BDPê be. Lê daxwaza gel ev e. Dil dixwaze hin rapirsînên din jî çêbibin. Eger rapirsînên din jî çêbibin, wê bibe wesîqeyên wisa ku kes êdî nikare înkâr bike ku Kurd statû dixwazin.

Madem tabana AK Partî û BDPê ji Kurdan re statû dixwazin, gelo çima herdu partî nikarin ji hev bixwin, rayên hev bistînin?

Belkî rayên diçin AK Partiyê biçin



Mehmet Emîn Aktar: Kurd êdî naxwazin di nava vê sîstema heyî de bijîn û dixwazin sîstem bi temamî bê guhertin.

BDPê lê rayên BDPê naçin AK Partiyê. Hem AK Partî dibêje ez statû qebûl nakim, zimanê kurdî nabe zimanê perwerdehiyê û hem jî Kurd rayên xwe didin vê partiyê.

Sedî 62 alîgirên AK Partiyê statû dixwazin.

Sedema vê yekê li gorî we çi ye?

Kurdên ku rayên xwe nadin BDPê û statû dixwazin, ji neçariyê ray didin AK Partiyê. Di nava Kurdan de ji sedî 30 rayên dîndar û muhafezekaran heye. Ev ray helbet bê xwedî nîn in. Dibe ku BDPê weke partiyeke çep dibînin, ji ber vê yekê ray nadin BDPê. Hinek ji van rayên xwe didin AK Partiyê, hinek didin Saadetê û hinek jî didin Has-Partiyê. Hinek jî dibe qet naçin ser sandoqan. Eger par-

tiyeke ku ji bo Kurdan statû dixwaze, ji bo zimanê kurdî perwerdehi bixwaze û muhazakar bê avakirin, mimkun e rayên AK Partiyê kêmbike. Yan jî BDP di aliyê oldaran de hurmetkar be, di kadroyên xwe de, şaredariyan de cîh bide wan û ji wan re deriyek veke, mimkun e bikaribe rayê wî aliyî bigre. Eger BDP partiyeke Kurdistanî be, wê bikaribe eniya xwe ya raywergirtinê fireh bike.

AK Partiyê herçiqas gavên weke TRT-6 û avakirina kursiyên di zanîngehan de avêt jî, piştî hilbijartinê 2011ê gav paşde avêt. Gelo wisa biçe, wê encameke çawa derkevê holê?

Di demên dawî de girtin zêde bû. Li Roboskiyê qetlîamek çêbû, ev 5 meh in ti gav nehatine avêtin, kiryarên vê bûyerê nehatin darizandin, nehatin cezazînin. Vê yekê hêviya mirovan şikand. Di tabana AK Partiyê de jî nerazîbûn heye. Parlementerên di nava AK Partiyê de jî êşîyan. Di tengasiyeke zor de ne. Ji ber vê yekê herkes ji xwe re rêyek vedike. Lê ji ber nîmetên desthilatdariyê nikarin dev ji parlementerî û meqama xwe berdin. Lê ez baş dizanim hin parlementerên di nava AK Partiyê de li der û dorê gotine rêya ku AK Partî diçe ne ti rê ye. Wijdanê wan diêşe, gellekî aciz bûne. Ji evqas girtinan aciz in. Dewlet niha dibêje muxatab li kû ne? Muxatab hemû di zindanan de ne. Te muxatabên xwe avêtine girtîgehê û tu behsa muzakereyê dikî.

Kesên ku di vê rapirsînê de deng dane, ji kîjan qadên civakê pêk tên?

Jinên ku di mala xwe de dixebitin, xwendevan, karker, karmendên dewletê, esnaf, bazîrgan statû dixwazin. Ev kes dizanin ku eger statûyek neyê naskirin, ev têkoşîn û şer wê bidome. Ev yek di meseleya ziman de jî wisa ye. Daxwaza gel pirr zêde ye. Ji sedî 91 dixwazin perwerdehiya zimanê kurdî pêk bê.

Eger BDP partiyeke Kurdistanî be, wê bika-ribe eniya xwe ya raywergirtinê fireh bike.

demografîka Kurdistanê xebatekê bikin. Lewre li vir Erebi, Tirk, her wiha meshebên şafiî, elewî û henîfî dijîn. Her wiha Îsewî hene. Me xwest em daxwaza wan hîn bibin.

Di encama vê xebatê de çi derkete holê?

Kurd dibêjin bi vî şeklî jiyan ji

tiyê jî hene?

Yên ku dengê xwe dane AK Partiyê jî statû dixwazin. Gellek kesên ku rayên xwe dane AK Partiyê serxwebûnê dixwazin. Yên ku rayên xwe dane AK Partiyê ji sedî 15 serxwebûn, ji sedî 27 xweserîya demokratîk, ji sedî 7 federasyon, ji sedî 13 xurtkirina îdareya herêmî dix-

Reşad Ozkan

Çîhgire serokê HAK-PARê Fehmî Demîr dawîya heftaborî li bajarê Münchenê bû. Siyasetmedarê HAK-PARê Demir ji aliyê komeleya Komkarê ji bo semînera bi navê "Karên ji bo Makezagona Nû û Pirsgerêka Kurd li Tirkîyeyê" hatibû dawetkirin.

"Makezagonek nû pêwîst e"

Demir di axaftina xwe de bibîr xist ku PKKê berê serxwebûn û yekitiya herçar perçeyên Kurdistanê dixwest û niha tiştêkî ji otonomiyê kemtir dixwaze û got ku partiya wan doh jî federalîzm dixwest û îro jî. Çîhgirê serokê HAK-PARê Kurd û Tirkan wek goşt û neynûk binav kirin û wiha axivî: "Pirsgerêka Kurd, pirsgerêkeke zagonî ye, ne pirsgerêkeke dewletek serbixwe ye. Makezagonek nû ji Tirk û Kurdan re pêwîst e. Divê



Fehmî Demîr

"Makezagona nû bo çareseriyê fersend e"

Dewletek federal û du netewe

Demir destnîşan kir ku makezagonên berê li ser bingehek otorîter, yek al, yek millet, yek ziman û yek nîjadî hatibûn amadekirin û got, "heta niha hemû makezagonên Tirkîyeyê maf û berjewendiyên Kurdan yê demokratîk û netewî înkâr kirin. Hilbijartinên 12ê Hezîranê û referendûma 12 Îlona sala 2010ê rêya makezagonek demokratîk vekirin, divê ev fersend ji dîstên me neçe."

Demir daxuyand ku partiyên tirk jî dizanin ev sîstema nijadperest û otorîter edî nikare bê domkirin û axaftina xwe wiha dom kir: "Konjuktûra herêmî û ya dinyayê jî edî ne amade ye. Tirkîye divê xwe biguherîne û pirsgerêka Kurd çareser bike û pêşîya xwe ji bo demokrasiyê veke. Divê Tirkîye bibe dewletek demokratîk û

federal ku ji 2 neteweyan, Tirk û Kurdan, pêk tê. Hemû kêmnatewên din jî divê mafên xwe yê demokratîk bistînin. Lewma em dixwazin di makezagona nû de federalîzm jî cîh bigre û bo Kurd xwe bi xwe îdare bikin, ji bo Kurdistanê statûyekî federalî bibe naskirin. Em naxwazin ji dewleta tirk biqet, Kurd û Tirk wekî goşt û hestîyan bi hev re dijîn. Xweserî jî

ne xirab e, lê em dewletek serbixwe naxwazin."

Demir di çareserîya pirsgerêka Kurd de BDPê wek aliyekî kurd dibîne lê rexne jî dike: "Em siyaseta BDPê şaş dibînin. Erê rast e, me bi taktîkî di hibjartinên 12ê Hezîrana 2011ê de alîkarî da BDPê û ji bo partiya me ev biryarek pirr giran bû. Me di nav xiraban de BDPê ya baş dît. Me raya giştî agahdar nekir, lê endam û alîgirên me jî vê siyaseta me ya referendûmê agahdar bûn."

"Em amade ne Burkay bibe serokê HAK-PARê"

Fehmî Demir: Birêz Burkay di siyaseta Tirkîyeyê û ya Kurdan de kesayetek pirr girîng e. Hatina wî ya Tirkîyeyê pirr kevir leqand, çavên siyasetsmedar û medyaya tirkî li ser wî bûn û hêj li ser wî ne. Burkay bi fermî heta niha ji bo serokatiya HAK-PARê xwe pêşniyar nekir, lê em di nava xwe de hemfikir in: Rêvebirên partiye û hemû alîgirên me dixwazin Burkay bibe serokê HAK-PARê. Ez niha naxwazim pirr eşkerê bikim, lê ez bawer dikim ku ew jî bo serkeftina siyaseta kurd û xurtbûna HAK-PARê amade ye.

Hêmin Xosnaw

Piştî ku 13 leşkerên Tirk 14ê Tîrmeha 2011ê de di boseyeke gerîllayên PKKê de hatin kuştin, êdî rê nehatiye dayîn ku Rêveberê PKKê, Abdullah Ocalan li Zindana Îmraliyê de parêzerên xwe bibîne. Çavdêrekî Tirk vê siyaseta hikûmetê weke hewleke Serokwezîr Erdogan dibîne di rêya ku bibe Serkomarê Tirkiyeyê de, herwiha dibêje "piştî destpêkirina proseya tecrîda Ocalan alîgir û hevsozên PKKê bêtir bûne."

Li Zindana Îmraliyê, çendîn caran di bin navê têkçûna rewşa hewayê, tirafîka deryayê yan xirabûna keştiya veguhestinê rê nehatiye dayîn ku parêzer û kesûkarên Ocalan wî bibînin. Lê ti caran tecrîdê weke vîcarê dom nekir. Îro pêncşem (17ê Gulanê) 296 roj in ku Ocalan parêzer û kesûkarên xwe nedîtine.

Ocalan ku sizayê zîndankirina heta hetyê li zîndana tîpa F ya girtîgeha leşkirî ya Îmraliyê derbas dike, niha di temenê 63 saliyê de ye. Parêzerên Ocalan heta niha ji ber tecrîda ser muwekilê wan, çendîn caran serlêdana komîteya rêgirtina li îşkencekirinê CPT kirine û komîteya navhatî 4 car raporên lêkolînê amadekirine.

CPT di rapora 16ê Sibata 2003yê de behsa astengkirina dîtina Ocalan ligel parêzerên wî dike û dibêje "rewşa hewayê eger ne musayid be, divê hevdîtina neyê retkirin, lê bê paşxistin bo roja din."


Di rapora sêyem a vê komîteyê de jî ku di 22yê Gulana 2007ê de hatiye belavkirin, dibêje "li Îmraliyê ji sala 1999ê heta niha tiştê nehatiye guhertin." Di rapora 2010ê de jî dibêje "divê ev tecrîda ku li Îmraliyê tê domandin, bi dawî bê." Helbet piştî derçûna hukmê Ocalan, çendîn caran astengkirina dîtina wî dubare bûye, lê vê carê jî hemû carên berê bêtir domkir.

"Tecrîda ser Ocalan ji ya Mandella girantir e"

Di meha Çileyê 2005ê de parêzerê Serokê berê yê Afrîkiya Başûr, Nelson Mandela, Êsa Mosa bi armanca serdana Îmraliyê gihîşt Tirkiyeyê. Lê Wezareta Dada Tirkiyeyê destûr nedayê. Mosa ev biryarê rexnekir û got "tevî ku Mandela li cizîrekê zîndanî kiribû, lê çendîn girtiyên din jî li cem wî bûn û ew ne bi tenê bû. Tecrîda Mandella weke ya Ocalan giran nebû."

Hevdîtina wî hatine kêmkirin

Yekemîn hevdîtina Ocalan ligel parêzeran di 25ê Sibata 1999ê de hat pêkanîn. Di sala yekem a girtina wî de mafê wî hebû di heftiyê de du caran parêzerên xwe bibîne. Parêzerên wî di vê salê de 46 caran ew dîtin.



293 roj in Ocalan parêzer û kesûkarên xwe nedîtine

"Tirkiye heta 2014ê rê nade bo dîtina Ocalan"



Mehmet Ocalan ji tendirustiya Serokê PKKê Abdullah Ocalan bi guman e

Lê ji destpêka sala 2000yê êdî mafê parêzerên wî hebû di heftiyê de tenê carekê wî bibînin. Bi vê şeweyê jî di wê salê de 32 caran Ocalan dîtin, di sala 2001ê de jî parêzerên Ocalan 33 caran ew ziyaret kirin, di sala 2002yê de jî bi giştî 46 caran çûne cem wî û 12 caran jî daxwaziye hevdîtina hatin retkirin. Di salên dûv de hejmara hevdîtina hatin kêmkirin, bi şeweyekê bû ku di sala 2004ê de tenê 19 caran Ocalan dîtin û di sala 2005ê de jî 45 caran doza hevdîtina kirin, lê tenê 15 caran hevdîtina pêkhat.

Di sala 2008ê de astengkirina serdana Ocalan rekord kir û 147 rojan li ser hev rê nedan Ocalan parêzerên xwe bibîne. Di sala 2009ê de jî careke din 77 rojan li serhev rênedan ew parêzerên xwe bibîne.

Dawî hevdîtina Ocalan di 27ê Tîrmeha sala borî de bû. Parêzerên Ocalan 59 caran çûne benda Borsayê da bi keştiyê biçin

Îmraliyê, lê Dozgeriya Bursayê bi hênceta têkçûna rewşa hewayê rênedaye wan.

Nahêlin kesûkar jî wî bibînin

Astengkirina dîtina Ocalan ne tenê parêzerên wî digire, lê kesûkarên wî jî digire. Di 19ê Çileyê sala 2011ê de bo cara dawiyê birayê wî yê biçûk Mehmet Ocalan çû Îmraliyê lê ew jî bêtir dîtina wî vegeriya û karbidestên Îmraliyê nameyeke Ocalan nîşanî wî dabûn ku tê de nivîsandibû "rewş gellekî aloz e, hevdîtina me wê baş nebe."

Piştî çaverêbûneke dirêj û di bin goşarên CPTê, di 17ê Mijdara 2010ê de 5 girtiyên siyasî yên PKKê veguhestin zîndana Îmraliyê cem Ocalan. Li gor daxuyaniyên Ocalan piştî birina van 5 girtiyan, ew di heftiyê carekê hevdû dibînin û nêrînen xwe gotûbêj dikin. Lê piştî tecrîda ser

yasa û mafên zîndaniyan her girtiyekî mafê wî heye ku kesûkarên wî di mehê de carekê serdana wî bikin. Lê ev nêzîkî salekê ye min birayê xwe nedîtîye."

Mehmet Ocalan di dirêjahiya axaftinên xwe de got "berê bi rêya kesûkarên girtiyên Îmraliyê carna me dengûbasên wî dizanîn, lê ev pênc meh in em tiştêkî jê nizanin. Saziye têkildarên Yekîtiya Ewropayê di vê derbarê de berpirsariyên xwe nakin. Ev di warê siyasî û yasayî de helwesteke metirsîdar e."

Ocalan nizane armanca dewletê ji encamdana vê tecrîda ser birayê wî bo vê dema dirêj, çi ye "em nizanin projeya dewleta Tirkiyeyê ji tecrîda ser birayê min çi ye. Lê divê her kes vê rastiyê nas bike ku Apo bo çareseriya aşitiyane û demokratîk a pîrsgirêka Kurd, aktorê sereke ye. Rêjeya ji sedî 90ê Kurdan aşitî û çareserkirina pîrsgirêka Kurd bi azadî û muxatebgirtina Ocalan girêdane." Herwiha got "ev rewşa ku serok tê de ye giran e û êdî nayê qebûl kirin. Eger tiştêk bi serê Ocalan bê, wê pîrsgirêka Kurd gellekî ji berê aloztir bibe. Deriyê çareserkirina pîrsgirêka Kurd bi vekirina deriyê hevdîtina Ocalan, vedibe."

Tevî ku astengkirina hevdîtina Ocalan ligel parêzer û kesûkarên wî, bandor nekiriye ser têkiliyên Tirkiyeyê ligel welatên din û saziyên mafên mirovan, lê carna Yekîtiya Ewropa û CPTê daxwaz ji Tirkiyeyê dikin ku ew êdî mafên Ocalan weke zgirtiyekî binpê nekin. Hikûmeta Tirkiyeyê jî bo vê mebestê çendîn caran hewl dane çarçovekî yasayî bo tecrîda ser Ocalan bibîne, lê heta niha serketî nebûye.

"Tecrîda Ocalan aligirên wî zêde dike"

Serokê Odeya Parêzerên Amedê, Parêzer Emîn Aktar bo Rûdaw dibêje "xwestin tecrîda ser Ocalan bikin tiştêkî yasayî, dixwestin yasayekê derxînin ku mafê dadwerî hebe hevdîtina girtiyekî bo mawê 6 mehan qedexe bike, lê piştî dest jê berdan." Nivîskar û çavdêrê siyasî yê Tirk, Cuneyt Ulsever bawer dike ku girankirina tecrîda ser Ocalan peywendî bi hewlên Serokwezîrên Tirkiyeyê heye ku xwe bo Serokomariyê amade dike.

Ulsever di daxuyaniyekê de bo Rûdaw got "Di siyaseta Serokwezîrê de himber pîrsgirêka Kurd paşdezivîrînek heye. Îro Serokwezîr siyaseteke neteweperistî ya tund himber Kurdan dide meşandin. Armanca wî jî bidestxistina baweriya neteweperistên Tirk e di hilbijartinên Serokatiya Komarê de ya sala 2014ê. Loma ez bawerim ku tecrîda ser Ocalan wê heta 2014ê bidome."

Ev nivîskarê Tirk derbarê bandora vê siyasetê li ser Kurdan û Bakûrê Kurdistanê dibêje "vê siyasetê sudeke mezin gihand PKKê. Lîberalên Kurd heta niha hinek helwestên PKKê rexne dikirin, lê bi saya vê siyaseta Hikûmetê ew bûne hevsozên PKKê."


Mehmet Ocalan: Deriyê çareserkirina pîrsgirêka kurd bi vekirina deriyê hevdîtina Ocalan vedibe.

Ocalan ji 27ê Tîrmeha borî, rê nayê dayîn ku parêzerên van 5 girtiyan jî biçin Îmraliyê.

Mehmet Ocalan derbarê rêndana dîtina birayê xwe dibêje, li Tirkiyeyê mafên Kurdan li gor yasayê nehatine parastin, yan yasa nikare mafên Kurdan biparêze. Ocalan bo Rûdaw got, "ti zanyariyên me derbarê rewşa tendirustî û jiyana Ocalan tunene. Li gor

Umer Osê, Însyatîfa Niştimanî ya Kurdên Sûrî:

Em ligel danûstandinên bi rêjîma Sûriyê re ne



» Serok Talabanî û ez bawer im herweha serok Mesûd Barzanî dilsoz mane ji bo pêwendiyên xwe bi malbata Esed û gelê sûrî re.

» Li cem me Kurdan ti cografyeke hevgirtî tine û li herêmên me Ereb û Fileh jî dijîn.

Umer Osê (1958) yek ji Kurdên naskirî ye, yên xwedî girêdanên bi rêjîma Sûriyê re. Di hilbijartinên heftiya borî ya parlamentoya Sûriyê de Umer Osê jî wek parlamenter hat hilbijartin. Ew bi eslê xwe ji bajarê Dirbêsiyê ye, lê ev bêtirî 30 sal in ku ew li Şamê dijî. Osê bi salan kadroyekî PKKê bû, dema serokê PKKê Abdullah Ocalan li Sûriyê bû. Birayê wî yê biçûk Welat Osê di nav rêzên PKKê de şehîd ketiye, xwişkeke wî heta berî demeke kurt gerîllayeke PKKê bû, berî ku ew ji ber rewşa xwe ya tenduristî berê xwe bide Ewropayê. Di vê hevpeyvîna ligel Rûdawê de Umer Osê behsa helwesta rejîma Sûriyê û ya opozîsyonê beramber gelê kurd li Sûriyê dike.

Rûdaw: Însyatîfa Niştimanî ya Kurdên Sûrî çi ye?

Umer Osê: Em şepêleke niştimanî ya sûrî ne. Rêxistina me di 2009ê de hat damezrandin. Rêxistina me xwe mijûlî pîrsa kurdî li Sûriyê dike. Pêkhatiya kurdî li Sûriyê yek ji pêkhatiyên mezin û kevin ên gelê sûrî ye. Ew di bêtir ji pêncî salên borî de ji jiyana siyasî ya niştimanî ya sûrî dihat bidûrxistin û niha jî piştguhkirin berdewam e. Kurd ji mafên xwe yên çandî bîpar in û ew di destûra Sûriyê de nehatine pejirandin. Em dixwazin ku Kurd di hikûmet, parlamento, dezgehên dewletê û îdara mehelî de cîh bigirin. Herweha em doza perwerdekirina bi zimanê kurdî li dibistanên li herêmên kurdî dikin. Em dixwazin ku mafên Kurdan di destûrê de bî misoger kirin.

Lê Însyatîfa Niştimanî ya Kurdên Sûrî çi ye?

Tevlî ku pirraniya endamên Însyatîfa Niştimanî ya Kurdên Sûrî Kurd in, lê di nav me de herweha Ereb, Ermen, Siryan, Keldanî-Aşûrî û Çerkes hene. Li gor rêbaza me her welatîyekî sûrî dikare bibe endamê rêxistina me.

Rêxistina we fermî dixebite?

Na. Lê niha em li ser dixebitin ku em wek partiyeke siyasî bî pejirandin. Lê ji ber ku qanûna hilbijartinan partiyên li ser bîngeha neteweyî, olî, mezhebî yan herêmî qedexe dike, emê navê partiya xwe bikin "Şepêla Mubadara Niştimanî". Ji bo em destûrê bistînin, diviyabû em navê "Kurdî" rakin.

Heta niha dewleta Sûriyê li dijî Kurdan gellek proje pêk anîne. Yek ji wan projeyan bi navê "Kembera Erebî" ye. Li gor wê Ereb hatin anîn ji bo herêmên kurdî, daku demografiya wan bêguhertin. Helwesta we beramber wan projeyan çi ye?

Li Sûriyê niha ji aliyê serok Beşar el-Esed ve vekirineke balkêş û giring peyda bûye. Kêşeya Kurdên ku di sala 1962ê de nasname ji wan hatin stendin, çareser bû. Herweha kêşeya Kurdên "mektûm" jî çareser bû. Û niha alavên ragihandinê yên sûrî balê dikişînin ser Kurdan. Ez û kesayetiyên din ên kurd di bernameyên zindî yên televizyonê de derdikevin. Em ji elif ta ya behsa pîrsa kurdî dikin. Ez bawer im ku gellek pîrsgirêkên Kurdên Sûriyê mîna mafên siyasî û çandî û herweha projeya Kembera Erebî wê bî çareser kirin. Ez dibînim ku hikûmetên li Sûriyê yên di dema borî de heta 80ê ji sedî di ber kêşeya kurdî de berpirs in. Lê tevgera kurdî jî berpirsa piştguhkirina Kurdan e. Em wek Însyatîfa Niştimanî ya Kurdên Sûrî ligel peywendiyên ligel rêjîmê ne, çî di asta siyasî de û çî jî di ya ewlekarî de. Em bi roj ligel berpirsên dewletê dicivin, ne bi şev û bi dizî wek berpirsên partiyên kurdî. Partiyên kurdî ajendeyan pêşkêş dikin ku ne guncaw in bi rewşa Kurdan li Sûriyê. Li cem me Kurdan ti cografîyeke hevgirtî tine û li herêmên me Ereb û Fileh jî dijîn.

Te got pîrsa Kurdên bînfûs û yên "mektûm" hat çareser kirin. Li Sûriyê bêtirî 150.000 Kurdên

"mektûm" hene. Heta niha ti biryareke fermî derneketiye ku ewê nasnameya sûrî bistînin.

Piraniya Kurdên "ecnebî" nasnameya sûrî stendin. Hin kes hene ku li derve dijîn, eger ew vergerin Sûriyê, ewê jî paseportan bistînin. Li parêzgeha Hesekê dora 3000 heta 5000 kesên "mektûm" hene. Pirraniya wan Kurd in, lê herweha hin Fileh û Ereb jî di nav wan de hene. Serok biryarek stendiye ku nasnameyan bide wan. Lê heta niha ji ber hin kêşeyên burokratik ev kêşe nehatiye çareser kirin. Di hefteyên bê de ewê nasnameyên xwe bistînin.

Tevgera kurdî herêmên kurdî li Sûriyê wek beşek ji Kurdistanê dibîne. Ji bo we jî ew dever Kurdistan e?

Ji mafê gelê kurd e ku çarenivîsa xwe bi xwe diyar bike. Mafê miletekî, ku endamên wî dora 40 - 45 milyon e, heye ku bibe xwedî dewleteke fermî. Lê em di Însyatîfa Niştimanî ya Kurdên Sûrî de bi çavekî din li meseleyê dinêrin.



Niha vekirinek heye û divê partiyên kurdî alîkariya min bikin.

Pêşî em Sûrî ne, piştî Kurd.

Em doza cudabûn, federalî yan hikûmatî nakin.

Pîrsa kurdî li Sûriyê naşibihe pîrsa kurdî li Kurdistanê. Îraq, Îran û Tirkîyeyê. Em doza mafên xwe li jêr seqfê dewleta sûrî dikin. Em doza cudabûn, federalî yan hikûmatî nakin. Eger em bala xwe bidin Kurdistanê Îraqê, ew doza dewleteke kurdî nakin, tevî ku ew ji mafê wan e.

Erê, hûn dibêjin li Sûriyê beşek ji Kurdistanê heye?

Ev rastiyeke dîrokî ye. Em beşek ji vê coxrafiya û demografiya dîrokî ne. Lê em niha doza tevîkirina me di jiyana siyasî ya Sûriyê de dikin, wek neteweyek duyem li Sûriyê, di hundirê dewleteke sûrî ya yekgirtî de.

Di nasnameya her welatîyekî ji Sûriyê hatiye nivîsandin ku ew welatîyekî erebî yê sûrî ye. Ev çawa çêdibe ku welatîyek kurdî heman demê de erebî jî be?

Bî rastî demeke dirêj pêwîst e heta em mafên xwe yên rewşa bi dest bixin û bibin welatîyên asta yekemîn li Sûriyê. Em Kurd in û ne Ereb in. Nabe kesek bi zorê bibe Ereb. Pêşî em sûrî ne, piştî Kurd in an Ereb in an Misilman in an Fileh in. Me hêvî dikir ku destûra nû ya Sûriyê bi şeweyekî zelal hebûna Kurdan bipejirîne. Lê destûr ne Quranek an Încîlek pîroz e. Ezê van pîrsan di Parlamentoya Sûriyê de bidim nîqaş kirin. Divê li Sûriyê rêz li nasnameyên cuda yên ne erebî be girtin.

Hûn helwesta opozîsyona sûrî beramber pîrsa kurdî çawa dibînin?

Ew komên ku li hundir û derveyî Sûriyê navên opozîsyonê li xwe kirine, ji hikûmetên ku di dema borî de li Sûriyê hebûn, xerabtir in. Ew ji wan hikûmetan şovenîtir in. Ji aliyekî ve opozîsyona di Encûmena Stenbolê de [Encûmena Niştimanî ya Sûrî, Rûdaw] heye, ku xwe avêtiye hembêza Recep Tayyip Erdogan, ew Osmanîyê Selçûkî yê nû. Ew doza destwerdana leşkerî ji aliyê NATOyê ve li dijî Sûriyê dikin, bi alîkariya Tirkîyê û Erebîstana Siûdî û hevkarên wan ên din. Ji bo wan ne giring e ku Îsraêl jî beşdarî rûxandina rêjîmê bibe. Ew ne tenê rêjîmê ji xwe re armanc dibînin, lê belê tevaya Sûriyê. Ew dixwazin Sûriyê ji hev bixin û wê dabeş bikin, bikin kanton û dewletên wehabî yên selefî. Ev opozîsyona ne niştimanî ye. Opozîsyoneke din li hundir heye, ku li dijî destwerdana leşkerî ye, lê herweha li dijî diyaloga bi rêjîmê re ye jî. Ez helwesta wan be-

ramber pîrsa kurdî negatîv dibînim. Helwesta rêjîmê niha ji ya opozîsyonê baştir e. Opozîsyoneke sêyem heye ku niştimanî ye û ligel diyalogê ye û em jî xwe ji wê dibînin.

Partiyên kurdî jî bi opozîsyona sûrî re di diyalogê de ne. Gerek ew çî bikin?

Ez şîretê didim partiyên kurdî û ji wan tika dikim ku xwe ji van tevgerên opozîsyonê vekişînin. Ez pêşniyar dikim ku ew bigihin hev û lêvegerekê kurdî ya niştimanî saz bikin û di zûtirîn demê de bi serokatiya siyasî ya dewletê re bikevin diyalogê. Dergeh ji bo wan vekirî ye. Mixabin wan di asta stratejîk ya niştimanî de hin şaşitî kirine. Wan diyalog û hev-dîtina bi serok Beşar el-Esed re boykot kir. Ev fîrseteke dîrokî bû. Em ligel mayîna vê rêjîmê ne, tevî aliyên wê yên negatîv. Bedîl, Xwedê neke ku bê, wê ji bo Kurdan gellekî xerabtir be.

Hûn dibêjin ku helwesta rejîmê beramber pîrsa kurdî ji ya opozîsyonê baştir e. Çawa baştir e?

Eger hûn bala xwe didin ragihandina Sûriyê, hûnê bibînin bê ew çiqas giringiyê dide Kurdan. Vê salê kanala televizyonê ya sûrî ya fermî bernameya nûçeyan birî û ahenga Newrozê li Helebê zindî weşand. Niha vekirinek heye û divê partiyên kurdî alîkariya min bikin, ji bo ku em mafên siyasî û çandî bi dest bixin. Ez bawer im ku rejîm niha ji opozîsyonê bêtir amade ye ku ji bo Kurdan tenazulan pêşkêş bike.

Beriya du mehan hûn ji bo serdanekê chûbûn Silêmaniyê. Serdana we fermî bû?

Na, ne fermî bû. Ev yekem car bû ez chûm Herêma Kurdistanê. Ez mêvanê serok Celal Talabanî bûm. Ez wek çalakvanekî sûrî yê kurdî dora hefteyekê li Silêmaniyê mam. Min ti name ji serokê Sûriyê yan hikûmeta sûrî bi xwe re neanîbû. Min ji serok Talabanî re helwestên serok Beşar el-Esed şîrove kirin. Wî nameyeke devkî ji bo gelê kurd û yê sûrî û herweha serokatiya Sûriyê bi min re şand. Wî got ku ew ligel gelê sûrî ye û ku Îraq wê nebe xwedî helwesteke dijminane li hember Sûriyê di vê rewşê de. Serok Talabanî, û ez bawer im herweha serok Mesûd Barzanî, dilsoz mane ji bo peywendiyên xwe bi malbata Esed û gelê sûrî re. Ewê alîkariya Sûriyê ji wan re, di dema opozîsyonê de, ji bîr nekin.

Hevpeyvîn: Sîrwan Hecî Berko

Partiya Keskan çavî Kurdan dike

» Arif Unal di hilbijartinên herêma NRWê de dîsa bi ser ket û planek wî ji bo hunermendên kurd yên li Ewropayê heye.

Azad Dicle

Hilbijartinên pêşwext yên li Eyaleta Nordrhein in Westfalenê encameke balkêş derxist holê: Partiya Çep ya ku tê de 5 berendamên kurd hebûn, nekarî benda ji sedî 5 derbas bike û nekete parlamentoya eyaletê. Ji Partiya Keskan Arif Unal ku ji Goksuna Mereşê ye û bi eslê xwe Çerkez e, ji bajarê Kolnê cara duyem hat hilbijartin. Unal bo Rûdawê daxuyand ewê hewl bide di demeke nêzik de bo hunermendên kurd ên ku li Ewropayê

dijîn, careke din civîneke dorfireh li dar bixe.

Roja 13ê Gulanê li eyaleta Almanyayê NRWê, ku eyaleta Kurd heri zêde lê dijîn e, hilbijartinên pêşwext hatin li dar xistin û partiya sosyal-demokrat SPD bi 39% bi ser ket. Partiya Çep ku tê de çendî namzetên Kurd jî hebûn, li gor hilbijartina sala 2010ê, gellek kêmtir deng standin û nekarî bikeve parlamentoya eyaletê. Parlamenterê Kolnê yê esil Çerkes Arif Unal ku bi xwe pisporê beşa kîmyayê ye û di rêvebirîya çar nexweşxaneyên Kolnê de cih digire, cara yekem di hilbijartina 2010ê de kete parlamentoyê û di hilbijartina dawî da careke din bû parlamenterê Kolnê.

Unal bibîr xist ku di destpêka sala 2012yê de bi amadekariya wî li avahiya parlamentoya NRWê ligel nêzîka 95 hunermendên kurd civînek li dar xistine û got, "Em hewl didin guh bidin hunermend û rewşên birêkurd ên li Ewropayê dijîn û pirsîgîrî wan li gor derfetan çareser bikin. Bi alîkariya Weqfa Şivan Perwer me xwe gihand gellek hunermendên kurd yên ji Tirkîye, Îran, Îraq û Sûriyeyê ku li Ewropayê dijîn."

Civîn dimîne piştî damezirandina hikûmetê

Arif Unal daxuyand ku li gor pilana wan wê civîna duyem di



Arif Unal: Ne bes e ku mirov bi xwe Kurd be

destpêka Hezîranê de bihata lidarxistin, lê got, "Ji ber hilbijartinên pêşwext zehmet e ev pîlan di heman rojê de pêk bê. Divê em li benda damezirandina hikûmeta eyaletê bisekinin û li gor texmîna min wê civîn piştî benderdana havînê, ango di meha Tebaxê an jî Îlonê de, bê lidarxistin." Unal rexne li du par-

lementerên partiya Die Linke yên parlamentoya NRWê jî kir û got, "ji bo çareseriya pirsîgîrî Kurdan ne bes e ku mirov bi xwe Kurd be."

Di hejmara borî de Rûdawê navê Arif Unal di nava berendamên kurd de weşandibû. Lê Unal ji gundê Korkmaz yê navçeya Goksunê ya ser bi Mereşê ye û bi eslê xwe Çerkez e.

Kopenhag: Kurdên penaber dîsa di greva birçîbûnê de ne!



Wêne: Rûdaw

Nesrîn Rojkan

Ev 10 roj in ku 20 mîrên kurd yên di temenên 20 heta 50 salî de li Navenda Penaberî li Sigerslev, li girava Sydsjællandê bi li dijê saziyên penaberî yên Danîmarkê, ketine greva birçîbûnê.

Penaberan bersîva neyînî ji bo daxwaziya penaberiyê li Danîmarkê wergirtine, lê ji ber rewşa nearam li Sûriyê jî nikarin vegehin warê xwe. Herwiha nikarin li welatekî din yê Yekîtiya Ewropayê jî daxwaza penaberiyê bikin, ji ber ku qanûnên welaten Ewropayê destûra vê yekê nadin.

Penaber di kampa penaberan de dimînin, bê ku bizanin ka siberoja wan bi çi rengî dibe. Wan niha kon vedane û ji bo mafê penaberiyê ketine çalakiya greva birçîbûnê. Dengê baranê li konê wan dide û wan destê xwe daye

ber rûyê xwe û kûr kûr jiyana xwe diponîjin. Yek ji wan nexweş ketiye heta niha, lê ew dibêjin "em ji mirina xwe natirsîn" lewra tu deriyek vekirî nemaye ji wan re. Hêviyên wan pûç bûne û ti çareseriyê nabînin.

Li gor malpera kurdî Jiyana.dk, namzedê parlemena danîmarkî yê nîv-kurd, Lars Aslan Rasmussenê Sosyal-Demokrat, ji ber rewşa penaberan xemgîn e. Lars Aslan Rasmussen wiha dibêje: "Ez ji bo rewşa Kurdên di grevê de gellekî xemgîn im. Ew di rewşeke gellekî tevlîhev de asê mane, ne dikarin ji Danîmarkê derkevin, ne jî dikarin vegehin Sûriyê. Ew bi pêşerojê nediya re li navenda penaberan girêdayî mane."

Lars Aslan Rasmussenê li ber redkirina daxwaziya penaberîya wan dikeve, lewra dizane ku ti mafekî Kurdan li Sûriyê tine, herwuha "em dizanin ku rejîma

wir dikare îşkenceyê li mixalîfên xwe bike, yan jî hema wan bidin kuştin." Hêviya Lars Aslan ew e ku saziya penaberan carekê din li rewşa wan binêrin û siyaseta penaberiyê ya hikûmeta berê jî biguherînin ku bikarin mafê runîştina mirovî li Danîmarkê bidine wan penaberan. "Bêguman, ji ber ku hêviyên min ji hikûmeta niha ew e ku siyasetek bêtir mirovane ji bo penaberan pêk bîne, li gor hikûmeta berê.

Li gor Jiyana.dk, Saziya mafê penaberan (Asylret) di peyama çapemeniyê de radigihîne ku "Erka partyên hikûmetê ya siyasî û mafê mirovî ewe ku bi xwe biçe cihê xwepêşandane û bi xwe xwe derbare rewşa tenduristiya çalakvanan xwe agahdar bike. Sazî bal dikşîne ser wê yekê ku çalakvan dizanin ku xeteriya birçîbûnê heta mirinê jî dikare biçe.

Li jêr zexta polîsên Swêdê

Keçek ji Dihokê vegerandin Swêdê

Stockholm (Rûdaw) - Piştî veşartina wê bo dema salekê li navçeyê nêzîkî bajarê Dihokê, bi rêya hewldana çend çalakvanên sîvil û mafê mirovan, herwiha li jêr zexta polîsan û piştî girtina çend endamên malbata wê, W.M.A. ya 16 salî bi hevrêtiya birayê xwe beriya çend rojan û bi rêyê nediya gihîştê Swêdê û niha di mala xwe de li jêr çavdêriya polîsên de dijî.

Keça ku hatibû revandin ragihand ku pirsîgîrî wê nemaye, lê çavkaniyekê ji polîsên swêdî ji Rûdawê re daxuyand: "Ew di tirseke mezin de dijî û em guman dikin hêj gef li ser hebe. Egera wê yekê heye bi kotekî û bi awayekî neyasayî hatibe zewicandin." Ev zêdeyî salekê ye ku W.M.A bi kotekî ji aliyê endamên malbata wê ve biribûn Kurdistanê û guman tê kirin ku li wir mirovekî xwe hatibe mehrkirin.

Medyaya Swêdê berê belav kiribû ku keçeke kurd ya li Swêdê hatiye revandin û ew birine Kurdistanê û jiyanê wê di metirsiyê de ye. Hênceta birina W.M.A ji bo Kurdistanê, ku medyaya Swêdê wê bi nasnavê Yasemîn dide nasîn, fêrbûna zimanê kurdî bû. Lê çalakvenekê mafê jinan li Swêdê dibêje eger ne ji girtina endamên malbata wê bûna, jiyanê wê di metirsiyê de bû. Niha ji ber rewşa derûnî ya xirab ya wê keçe, polîsên Swêdê lêkolînên dosyaya wê rawestandine û ji xeynî dabînkirina çavdêriyê, li dû agahiyên derbare bi kotekî mêrkirina wê digerin. Ji ber revandina keçika 16 salî, çend

endamên malbata wê, ku li bajarê Calmar dimînin, ji aliyê polîs hatine girtin.

Herçiqasî cihê hewandin û parastina W.M.A. ji aliyê şaredariya bajarê Calmar hat dabînkirin jî, lê li ser razîbûna xwe keçek vegehiya mala xwe û bi malbata xwe re dijî. Polîs jî di gumanê de ne û bi awayekî berdewam çavdêriyê li mala wê dikin. Polîs ditirsîn ku weke gellek mînakên din, ew keçek jî bê xapandin û dûre bi awayekî nehênî bê kuştin. Heya niha jî zêdeyî 10 dozên bi vî awayî hatine tomarkirin.

Zewaca bi kotekî ya keçan li Swêdê, nemaze bi xizman re, û kultura parastina namûsê û gefên li ser jiyana keçan, yek ji diyardeyên di nav malbatên penaber yên li Swêdê ye. Lewma hikûmetê vêga hewl dide yasayekê nû derxe ji bo nehiştina zewaca bi zorê û tundkirina cezakirina tawanbarên zewaca bi zorê û nehiştina zewaca di navbera xizman de, nemaze di navbera pismam û dotmaman de ku yek ji diyardeyên civakên Rojhilatî ye.

Di hundirê 3 mehên borî de ev bûyera pêncemîn ya vegerandina wan keçan e ku bi mebesta zewaca bi zorê, bi rêya firokexaneyên Kurdistanê, tîr Herêma Kurdistanê û navçeyên din yên Îraqê. Yek ji goriyên berê jî bûyera Barîn a 19 salî bû, ku piştî vegerandina wê ji Kurdistanê bo Swêdê, li cihê jiyanê wê li Carlstad, ji aliyê kesekî nediya ve hat kuştin û birayekî wê yê 16 salî bi tometa beşdariya di tawanê de hat girtin.



Husên Şehrîstanî dema ku xelatê digre (li kêleka Beatrix)

Holenda (Rûdaw)- Cîgirê serokwezîrê Îraqê Husên Şehrî-

stanî li Holenda "Xelata Roosevelt Bo Azadiyê" wergirt. Kurdên li

Şehrîstanî li Holenda hat xelatkirin

» Kurdên li Holenda ne razî ne

Holenda jî li ber avahiya ku Şehrîstanî xelat tê de wergirt, xwe-pêşandan li dar xistin.

"1 milyar diziye"

Roja 12ê Gulanê li bajarê Midleburgh li Holenda 14 xelat bo 4 kesayetiyan ji welatên cihanê hatin dabeşkirin. Ew xelat wek "4 Xelatên Roosevelt Bo Azadiyê" tî naskirin û bo wan kesên ku rola wan di vejandina azadî û kêmkirina kambaxiyên mirovatiyê de hebû, tî dayîn. Yek ji wan kesayetiyan cîgirê serokwezîrê Îraqê Husên Şehrîstanî bû, ku bi bawerîya komîteya dabeşkirina xelatan "bi dirêjîya jiyana xwe ji bo çes-pandina nîrxên demokrasiyê xebi-

tiye." Di rêwresma xelatkirina Şehrîstanî de, şahjina Holenda Beatrix û serokwezîrê Holenda Markt Rutte amade bûn. 44 rêxistin û komeleyên kurdî li Holenda zêdeyî du heftiyên di hewldanê de bûn, daku şahjin û serokwezîrê Holenda di rêwresma xelatkirinê de amade nebin. Wek ku di daxuyaniya van saziyan de hatiye nivîsandin, "Şehrîstanî ne heja ye bê xelatkirin, lê pêwist e lêpîrsîn pê re bê kirin li ser gendeliyên ku di sektora petrolê de kirine û milyarek Dolar diziye. Herwiha di cudakariya nijadî de li dijî Kurd û Suniyên Îraqê roleke serekî jî lîstîye."

Siyasetvanê Kurdistanî-Holendî Guhdar Mesûm jî Rûdawê re got: "Ev biryareke çewt e ku

hatiye standin. Şehrîstanî li ba zêdeyî ji sedî 50ê xelkê Îraqê nehezkiyê ye û ne ew kes e ku dezgeha Roosevelt xelatê bide wî." Bi bawerîya Mesûm, divabû ew xelat ji bo xelkê Helebçe bûya: "Lê mixabin petrola Helebçe tine heya xelatê bidinê!"

Wek piştgiyariya Kurdên li Holenda, parlementerê holendî Harry van Bomel jî serokwezîrê Holenda pirsyarek şand û pirsî ji bo çî Şehrîstanî bo xelatkirinê hatiye destnîşankirin. Serokwezîr jî di bersivê de dibêje: "Ev xelat ji aliyê enstîtuya Roosevelt tê dayin û wan biryar daye ku çawa be û bo kê be. Heya niha jî tenê çend Kurdên xwedî berjewendî nerazîbûna xwe ji vê xelatkirinê nîşan dane."

Jiyan bê lingan jî dimeşe

"Ez di xewnên xwe de dibînim ku dimeşim"

Mehmet Sebatli

Mizgîn Baran dema ji gundê xwe derket û berê xwe da Çiyayê Gebarê, hêj 15 salî bû. Jiyana wê û serpêhatiyên wê yên 19 salên dawî weke panoramaya gellek jinên kurd ên welatparêz ên ji du nîfşên dawiyê ye. Ew ji bo guhertina rewşa siyasî û ya civakî ya gelê Kurd tevî nava refên gerilla bû, lê di 19 salên dawî de dema ew li paşeroja xwe dinêre, dibîne ku jiyana wê gellekî guheriye. Mizgîn Baran ev 18 sal in ku herdu lingên wê nalivin û nikare rabe ser lingan û bimeşe, lewma li ser kursiyê biteker jiyana xwe didomîne. Ligel pîlan û xwestekên xwê yên siberojê wê ji me re behsa xewnên xwe jî kir û got, "Ez di xewnên xwe de hertim dibînim ku dimeşim."

Neçûye dibistanê...

Mizgîn Baran di sala 1978ê de li gundekî Kercewsa ser bi Mêrdînê hatiye dinyayê. Ew qet neçûye dibistanê û dema di sala 1993ê de, di 15 saliya xwe de, tevî gerilla dibe, ne dikare bix-

wîne û ne jî dikare binivîse: "Min tenê dikarî bi kurdî biaxivim. Lê ez niha ligel kurdî û tirkî baş dikarim bi almanî jî biaxivim, bixwînim û binivîsînim." Ew niha li bajarê Duisburga Almanyayê di malekê de bi serê xwe dijî û dikare hemû karên xwe bi serê xwe pêk bîne.

"Navê min di listeya şehîdan de derbas dibû"

Mizgîn nêzika salekê di nava gerilla de dimîne û di bihara sala 1994ê de ji piştî xwe birîndar dibe. Ew bo me behsa rojên zor û zehmet dike û dibêje, "ji ber birîna di piştî min de bû, hevala kêleka min ditirsiya ku avê bide min, wê digot qey birîna min di hundir de ye û dema ez avê vexwim wê bimirim. Lê min jî gellek xwîn wendakiribû û ez pîrî tî dibûm. Min birîna xwe ji bir kiribû û tenê dixwest hinek av vexwim." Mizgîn dema ku birîndar dikeve, ligel gerillayêke jin, heftiyekê ji grûba xwe veqetandî dimînin. Ew heft roj di jiyana Mizgînê de rojên herî zehmet in ku ti carî nikare ji bir bike: "Dema me xwe gihand hevalan jî, em rastî surprîzekê hatin. Navê min weke şehîd hatibû belavkirin û dema ku heva-



Mizgîn Baran: Min di xewnên xwe de hertim av didît

» Mizgîn hewl dide almaniya xwe xurt bike, daku di komeleyê de zêdetir alîkariya aktîvîtyên civakî bike.

Li Almanyayê fêrî xwendin û nivîsandinê dibe

Di vê navberê de Mizgîn diçe dibistanê û fêrî xwendin û nivîsandinê dibe, herwiha di demeke kurt de fêrî almanî jî dibe û ji bo karên wergerê pêdiviya wê bi kesekî din re namîne. Ew niha dikare hemû karên xwe yên burokratîk bi serê xwe birêve-bibe, pêdiviyên xwe yên rojane bi xwe pêkbîne û weke ew dibêje, "Ez carina li komeleya Duisburgê ji bo wergera almanî alîkariya hinek Kurdan jî dikim."

Di Roja Dayîkan de Mizgîn Baran diyar dike ku ev 19 sal in dayîka xwe nedîtiye û dibêje, "Em bi telefonê diaxivin û carina jî li ser internetê di kamerayê de em hevdû dibînin. Ji ber pirsgrêkên siyasî ez nikarim herim welat û ji ber pirsgrêkên aborî jî ez nikarim wan bînim vir bo hevdîtîne."

Xewnên avê û meşandinê

Di dawiya axaftina xwe de Mizgîn Baran ji me re behsa hêvî û xewnên xwe dike û dibêje, "Pêdiviyên mirov çî bin xewnên mirov jî wisa dertên. Dema ez birîndar bûm, min di xewnên xwe de hertim avê didît û ev zêdeyî 18 salan e ku ez di xewnên xwe de dibînim ku dîsa dimeşim."



Vikipediya tirkî behsa kurdbûna *Derdiyok* nake

Kurd Eren Derdiyok ku niha di nav tîma Bayer Leverkusenê de dilîze, wê ligel tîma Hoffenheimê heya Hezîrana 2016ê kontratekî bo çar salan îmze bike.

Lîstikvanê Bayer Leverkusenê yê Kurd-Swîsrî di sala 1988ê de li Baselê ji dayîk bûye lê ew bi eslê

xwe ji Dêrsimê ye.

Di versiyonên îngilîzî, spanî, almanî û fransî yên Wikipedia de behsa kurdbûna Eren Derdiyok tê kirin, ku eslê wî Kurd e yan jî ew ji Kurdistanê Bakur e, lê di Vikipedi (versiyona Wikipedia ya bi zimanê tirkî) de qet behsa wê yekê nayê kirin,

tenê dibêje ku ew hevwe-latîyê Siwsre û Tirkîyeyê ye.

Derdiyok di nav 89 maçan de ku heya niha lîstîye, 25 gol avêtibûn, ji sala 2008ê ve heya niha ligel tîma netewî ya Swîsrayê di 38 maçan de lîstîye.



Li gorî versiyona elektronîk ya kovara Kicker, lîstikvanê esil

Sezon bi dawî bû

3 Tîmên Kurdan Play Offê dileyîzin



Tîma Şaredariya bajarê Mezin a Amedê sezona borî dîsa tevli Play-Offê bû, lê bi serneket

Sezona 2011/2012 ya futbolê li Tirkîyeyê hefta borî bi dawî bû. Di Lîga Super de Galatasaray bu şampiyon. Di ligên 2. û 3. de jî çendîn tîmên Kurdan cih digirin û 3 tîm wê ji bo lîgeke jor tevli maçên Play-Offê bibin û 2 tîm jî rasterast daketin lîga amator ya herêmî. Diyarbakirspor maça xwe ya dawî wê heftê dileyîze û ya ew ya jî Tokatspor dadikeve lîga jêr.

Diskispor ber bi lîga 2.ve

Tîma Şaredariya Bajarê Mezin a Amedê, Diskispor di dawîya sezonê de 67 puan civan-din û di tabelleyê de bû sêyemîn. Şampiyonê ligê İnegolspor rasterast tevli lîga 2. bû û tîmên 2., 3. û 4. Diskispor, Bayrampaşa, Hacettepe û Gümüşanespor wê hefta bê li İzmirê di neva hev de maç bileyîzin û ji 4 tîman wê yek di dawîya Play-Offê de tevli lîga 2. bibe.

Di heman ligê de û grûba duyemîn de jî şampiyon Nazilli Belediyespor rasterast tevli lîga



Li pêşiya Diyarbakirsporê maça dawî ya krîtîk heye

Diyarbakirsporê ya dawî li deplasmanê ye û dibêrê wê jî Konya Torku Şekerspor e.

2. bû. Bingölspor, Keçiorençücü, Trabzon Yalısor û K.Maraşspor jî wê tevli maçên Play-Offê bibin û yek ji wan wê tevli lîga 2. bibe. Erganişpor jî daket lîga amatoran ya herêmî.

Di heman ligê û grûba sêyemîn de şampiyon Hatayspor rasterast tevli lîga 2. bû.

Wê Siirtspor ligel Tarsus İdman Yurdu, Bursa Niluferspor û Sancaktepe Belediyesporê Play-Off bileyîze û ya serkeftî wê tevli lîga 2. bibe. Kayapınar Belediyespor jî rasterast ji vê ligê daket û dîsa tevli lîga amatoran ya herêmî bû.

Diyarbakirspor ma hefta dawî

Qedera Diyarbakirsporê jî bi maça dawî ve girêdaye. Hefta borî di saheya xwe de ligel Pendiksporê leyîst û leystikvanê Diyarbakirsporê gol avêt qeleya xwe û Pendik kete pêş, di deqeya 80. de jî Diyarbakirspor bi penaltiyê bû 1-1. Puanên Diyarbakirsporê 25 in û pûanên Tokatsporê jî 25 in. Maça dawî wê diyar bike ka ji her du tîman kî wenda bike wê dakeve lîga 3. Maça Diyarbakirsporê ya dawî li deplasmanê ye û dibêrê wê jî Konya Torku Şekerspor e.

Futbola Amerîkayê ya bê gok: *Birê*



Amed (Rûdaw) - Klûba Şaredariya Bajarê Mezin ya Amedê leystika Birê modernîze kir û tûrnovayek li dar xist. Serokê Şaredariya Bajarê Mezin ya Amedê Osman Baydemir jî ragihand ew ê bo Birê lîgeke taybet ava bikin.

Li çendîn herêmên Kurdistanê jî mêj ve leystika Birê ya ku weke futbola Amerîkayê lê bê gok tê leyîstin. Destpêka wê heftê li taxa Amedê Baglarê bi tevlibûna 12 koman Birê hat leyîstin û di heman demê de jî bo çêkirina leystikê muzîkên gelêrî hatin pêşkêşkirin.

Di leystika Birê de du komên dijber hene û yek ya parastinê û ya din jî êrîşker e. Endamên koma êrîşker hewl didin di navbera koma parastvan de herin heta qeleyê bêtî ku bîst girtin û astengkirin. Dema kesek bê astengkirin ew ji leystikê derdikeve.

Serokê Şaredariya Bajarê Mezin ya Amedê Osman Baydemir bibîr xist leystika Birê salê du caran, payîz û biharê tê leyîstin û got, "Em ê hewl bidin ji bo Birê lîgeke taybet ava bikin."

Zinar Baliki

Fîlmê derhêner Ekrem Heydo yê bi navê 'Helepçe-Zarokên Wenda' hata niha di 13 festîvalên fîlmên navnetewî de hat nişandan û gellek xelatên girîng wergirtin. Lê heman fîlm li Başûrê Kurdistanê heta niha nehatiye nişandan. Derhênerê fîlm Ekrem Heydo gazinc ji vê yekê dike û dibêje, "fîlmên kurdî divê di serî de li Herêma Kurdistanê werin nişandan. Bo derhênerên biyanî pereyan ter-xan dikin, lê guh nadin fîlmên derhênerên Kurd."

"Helepçe-Zarokên Wenda" di serî de li Film Festivala Gulfê xelata fîlmê herî baş û xelata derhênerê herî baş wergirt. Sala borî di Festivala Fîlmênbelgeyî ya Dubaî de xelata jurî ya mezin wergirt. Li Film Amedê, xelata fîlmê herî baş, li Festivala Filman a Yilmaz Guney a li Batmanê xelata fîlmê herî baş û di fîlm gellek festîvalên din de jî hat nişandan û xelatên cuda wergirt. Lê heman fîlm heya niha li Başûrê Kurdistanê nehatiye nişandan. Ekrem Heydo fîlm şandîye festîvalên wek Duhok û Silemanî lê neketiye bernamêyê û nehatiye nişandan.

Fikra fîlmê Zarokên Wenda yê Helebçe çawa derket. Çi bû sedem ku te fîlmekî wiha çêkir?

Helebçe parçeyek ji jiyana û bedena her Kurdekî ye; di dilê her kesî de heye. Navekî û semboleke girîng e. Mixabin em zêde li dû nakevin, rêz û hurmetek heye û hew. Gava bûyera Helebçe çêbû ez 15-16 salî bûm. Ji me jî ne gellek dûr bû. Li cem wan Baas hebû, li ser serê me jî heman rêxistin hebû. Wê demê me digot, belkî ew gaz bigihê aliyê me jî yan jî

Fîlmê Helebçe heta niha li 13 festîvalên navnetewî hat pêşkêşkirin, lê li Herêma Kurdistanê na.

heman bûyer li ser me jî pêk bê.

Bûyera Helebçe çawa ket rojê Kurdên Rojava, çi li ser dihat gotin?

Wê demê qedexa bû ku li ser bûyerê bi kurdî û erebî bê nivîsandin. Pergala Suriyeyê jî qet behsa bûyerê nedikir. Kurdan di nav xwe de dianîn ziman, hind şev û civîn dihatin lidarxistin. Pîrr dihat gotûbêjkin, lê wek rewşa niha ya Suriyeyê zêde reaksîyon nebûn. Wisa di dilê min de ma, heta di sala 2004ê de ez çûm Helebçe. Ji bo fîlmê "Bêhna Şêve" min jî di nav wî projeyê de cih girt. Li wir min ji xwe şerm kir, 16 sal di ser vê komkujiyê re



Fîlmê Ekrem Heydo li Festivala Dubaî jî xelata jurî ya mezin wergirt



Ekrem Heydo li festîvala Dûbaî

derbas bûne, her sal seremoniyên ku êdî bê mane ne, tîn lidarxistin. Li aliyekî mîna ku li deverêke din a dinê qewimî be yan jî 200 sal berê rûdabe.

Bi taybetî çîrok û serpêhatiya Elî ku di nav miriyan de jî hatiye hijmartin û dû re bi saxî vedigere Helebçeyê, ev çawa bi destê te ket?

Di çûna Helebçeyê de min got divê ez tiştek li ser Helebçeyê çêkim. Cara duyemîn sala 2007ê min dest bi kişandina hinek dever û beşan kir. Min dixwest Helebçe bi şewayeke din nişan bidim. Ne bi awayên ku heta wê gavê hatibûn nîşandan. Min xwest bi rêya çîrokek dest pê bikim, ez di çapemeniyê de rastî Elî hatim. Min biryar dabû ku zarokên Helebçeyê derxim pêş, lê Elî tenê rasthatinek bû û li ar-



manca ku ez lê digeriyam jî, dihat.

Belgefîlm di qada navnetewî de gellek deng veda û xelatên girîng wergirtin. Kurdan fîlm çawa pêşwazî kirin?

Fîlm, heya niha li tevahiya cihanê di 13 festîvalên navnetewî de hat nişandan. Ji Tehran bigre heya Brezilya yê. Eleqeyek mezin dît û gellek hat pêşwazîkirin. Bi rastî jî fîlm ji aliyê sînemavanên cihanê ve hat ecibandin. Lê Kurdan mafê fîlm nêdan. Ez li vir behsa Bakurê Kurdistanê nakim. Wek hemû cihanê li bakur jî fîlm, li gellek cîha hat nişandan. Li festîvalên wek Amed û Batmanê hat nişandan û wek fîlmê yekemîn hat hilbijartin. Lê li başûr ev tişt çênebû. Li Silemanî û Duhokê sala borî festîval hatin li dar xistin, fîlmê min nehat nişandan. Ev ji bo wan şermeke mezin e. Ev fîlm berhemek wir e û perçeyek jiyanê Helepçe ye. Ji bo fîlmek Helepçe peran didin biyaniyan lê

derhênerê Kurd berhemek çêdike kes lê xwedî dernakevê.

Te fîlm ji bo festîvalên başûr şandibû?

Belê min hem ji Film Festivala Duhokê re hem jî ji ya Silemanî re şand. Lê nehat nişandan. Sedemê wî jî ez nizanim.

Ev helwest li ser çêker û derhênerên Kurd tiştek çawa derdixîne holê?

Bi rastî jî ev helwestek ne baş in. Psîkolojiyek xirab li ser sînemavanên Kurd çêdike. Em dixwazin dema me fîlmek çêkir beriya her kesî bila temeşevanên Kurd fîlm bibînin û fîlm pêşî di festîvalên Kurdan de bê nişandan. Lê mixabin ev tişt çênabe. Ev jî ji bo pêşketina sînemaya kurdî rewşek ne baş e.

Havîn: Ji albûma xwe ya yekê ne razî bûm

Stenbol (Rûdaw) -

Stranbêj Havîn, ya ji Bakurê Kurdistanê, niha bi berhe-manîna albûma xwe ya duyemîn ve mijûl e û di warî de dibêje: "Albûma min ya vê carê cuda



ye, ji ber ku karê min yê berê hinekî bilez hat kirin, kêmasî tê de hebûn û jê ne razî bûm."

Havîn ku di sala 1993yê de li Almanyayê ji dayik bûye, ji 7 saliya xwe ve stranan dibêje û niha temenê wê 18 sal in û xwedîya albûmeke stranan e. Havîn diyar dike ku ew ji her takekesekî Kurd hez dike û sedemên vê yekê jî wiha diyar dike: "Kurd xwedî rûmet û namûs in, lewma divê em herdem şanaziyê bi xwe bikin ku em Kurd in, her Kurdek jî li cem min hezkirî ye, nemaze Kurdên Başûrê Kurdistanê ku rêz û hezkirineke mezin ji Havînê re nişan dan, vê yekê jî qet ji bîr nakim."

Piştî ku Havîn tevî bernamêyêke kanala asmanî ya Korek TV bû, ew li Başûrê Kurdistanê hat naskirin, nemaze li bajarê Hewlêrê. Havîn li ser Hewlêrê dibêje: "Pîrr spasiya hezkirina bajarê Hewlêrê dikim ku zêde ji Havînê hez dikin, lewma ez jî bi karên baştir û ciwantir bersiva vê qenciya wan didim."

Gemeinschaftspraxis Gohdarz Hajo I Cheirko Hajo

Emser Straße 26 12051 Berlin
Tel. 030 - 62 84 58 59 Fax 030 - 62 84 58 61

Öffnungszeiten
Mo, Di, Do 9-18 • Mi & Fr 9 - 15 Uhr

Verkehrsverbindung
u + S Hermannstraße U + S Neukölln

Reklam



Serokê Enstîtuya Çandî û Huneriya ya Ehmedê Xanî li Urmîyê, Vecdî Hatemî, bo Rûdawê axivî:

Em dixwazin bi beşdariya hemû saziyên Kurdan eniyek ava bikin



Vecdî Hatemî: Ev yek dibe sedema yekîtiya netewî

Wêne: Rûdaw

Di hevpeyvîneke ligel Rûdawê de, Serokê Enstîtuya Çandî û Hunerî ya Ehmedê Xanî li Urmîye, Vecdî Hatemî, bal kişand ser hemû aliyên kar û têkoşîna vê saziyê wek tekane NGOya bajarê Urmîye li Rojhilatê Kurdistanê û jiyana siyasî, aborî, civakî û çandî ya Kurdên vê devera girîng a Kurdistanê.

Rûdaw: Ligel ku 10 sal in hatiye avakirin, lê gellek kes Enstîtuya Çandî û Hunerî ya Ehmedê Xanî li Urmîyê baş nas nakin.

Vecdî Hatemî: Wek saziyek sivil û çandî, di piratîkê de Enstîtuya Xanî li Urmîyê û gellek bajarên Kurdan wek Mehabad, Sine, Kirmaşan pirr bi nav û deng e. Mixabin bi sedema nebûna çapemeniyê xebatên me li derveyî Kurdistanê nayên berçav. Em tekane saziya sivil a kurd in li Urmîyê.

Armancên sereke yên Enstîtuya Ehmedê Xanî çi ne?

Karê Enstîtuya Ehmedê Xanî li Urmîyê xebata çandî, hunerî û lêkolînên civakî û siyasî di civaka kurdî de ye.

Hûn bêtir giringiyê didin kîjan çalakiyan?

Em girîngiyê didin xebatên kultûrî. Hunera me xemilandin û pêşdebirina çand û kultûra kurdî ye.

Di warê aborî de hûn çawa xwe rêve dibin?

Di warê aborî de tenê endamên enstîtuyê beşdar in û heya niha ji bo birêveberiya xwe me ti alîkarî ji saziyên hikûmetî û sivil werne-girtiye û wernagirin jî. Em di warê aborî de serbixwe ne.

“Em tekane saziya sivil a kurd in li Urmîyê”

Berê saziya we wek navend dixebitî, niha bûye enstîtû. Sedem çi bûn?

Mirov dikare bêje navend ligel

gelê xwe kar dike û enstîtû bi rewşenbîrên civaka xwe re dixebite, her du nav jî ji me re bi rastî bikar tên.

Hûn serokê enstîtuyê ne. Gelo hûn hîlbijartina rêveberiyê dikin bo enstîtuyê? Çiqas şax û endamên rêveberiya we û endamên giştî hene?

Em li gorî pêrew û programa xwe, ku saziyek îdarî ye, nikarin gellek dest li şeweya rêveberiyê bi awayekî fermî bidin, lê awayek rêveberiya me ya navxweyî ya “central democratic” heye. Endamên Enstîtuya Ehmedê Xanî li gor xebatên wê kêr û zêde dibin. Di enstîtuyê de ti kes bi pere kar nake û bi giştî bi hesta kurdperweriya xwe xebatê dikin.

Pêwendîya we ligel saziyên sivil ên din li Rojhilatê Kurdistanê çawa ne?

Pêwendiyên me ligel bajarên din ên Kurdan û saziyên wir ên çandî hene, em beşdarî bernamayan wan dibin û ew jî tevlî bernamayan me dibin, alîkariyên me bi hev re hene.

Çima tenê ev saziya çandî û hunerî li Urmîyê heye?

Mixabin xebata çandî di welatên desthilatxwaz de gellekî diwar e û karekî giran e.

Rêjeya beşdariya hevwelatîyan di kar û projeyên we de çawa ne?

Heya niha gellek baş bûye û gelê me pirr berfireh beşdar dibe.

We sala borî hemû saziyên sivil ên Rojhilatê Kurdistanê civandin. Armanca we ji wan civînan çi bû?

Me xwestiye çeper an eniyek ji hemû saziyên Kurdan çêbikin; ew karek diwar û girîng e û bi derbasbûna demê wê çareser bibê û tenê bi xebata me nabe û divê şert û mercên wê jî pêk bînin.

Kovara Xanî û kovarên din niha belav dibin?

Na. Vê demê ti kovarên me belav nabin, lê berê kovara Çand, kovara taybet a jinan bi navê Xatûn û kovarek qaşoyan bi navê

Xanîtimes û kovarek bi navê Endîşeya Mîrgever jî belav dibû.

Niha kovara Çand bi kurmancî weşanê dike?

Mixabin ew jî hat qedexekirin û derfeta vê çendê nema bibê kovarek bo hemû parêzgehê.

Xebatên we di warê fêrkirina zimanê kurdî de çawa dimeşin? Hûn bi azadî kursên zimanê rêveberiyê dibin?

Belê, polên fêrkirina zimanê kurdî hene û gelê me jî beşdar dibe. Zimanê kurdî nasnameya me ye û naveroka bingehîn a xebata me ye.

“Hesta neteweyî di nav Kurdên Urmîyê de xurttir dibe”

Rewşa çandî û rewşenbîriya Kurdan li Urmîyê çawa ye?

Rewşa kultûrî mirov nikare bêje baş an xirab e, lê dikarin bêjim hesta netewî berçav e. Xwendewarî di nav Kurdên Urmîyê de gellek bûye û niha belgeyên girîng ên zanistî digirin û asta rewşenbîriyê ber bi başî diçe, lê mixabin hêj bandora nexwendewariyê li ser civakê wek kêmasî dibînin.

Urmîye bajarekî pirrnetewî ye. Rewşa Kurdên Urmîyê çawa ye? Çiqas Kurd li Urmîyê hene?

Du grûbên netewî li Urmîyê hene, Kurd û Azerî. Azerî di nav desthilatê de ne û Kurd derveyî desthilatê. Azerî wê hêzê ji bo berjewendiya xwe ya netewî û aboriya xwe bikar tînin, lê Kurd ti derfet û desthilatek nînin in û divê bi xwe pirsgrêkên xwe yê aborî, siyasî û civakî çareser bikin û ser piyê xwe rawestin. Di warê siyasî de mirov dikare bêje Kurd di kolanek bingirtî a siyasî de mane. Li Urmîyê û herêmên derdora wê ji sedî 50ê danîştvanan Kurd in.

Mêjdem wek radyo û televizyona yek saetî ya kurdî li Urmîyê kar dike. Niha rewşa radyo û televizyona kurdî ya Urmîyê çawa ye?

Min di televizyona Urmîyê de

Biyografi

Vecdî Hatemî...

Di sala 1960î de li gundê Locrine li devera Mîrgever a Urmîyê hatiye dinê. Di 1986ê de Zanîngeha Kirmaşanê qedandiye û endazyar e. Di navbera salên 1981 -1982yê de ku zanîngeh li Îranê hatin daxistin, li Tehranê di televiyonê de kar kiriye. Çend salan di kovara

kurdî ya Sirwe de kar kiriye ku piştî zêdeyî 20 salan sala borî weşana wê hat sekinandin. Ew karê endazyariyê dike û çend sal in serokatiya Enstîtuya Çandî û Hunerî ya Ehmedê Xanî li Urmîyê dike. Xwendekarê doktoraya zanistên navnetewî li zanîngehê ye.

heya niha ti karek nekiriye, ew saet bernamê jî bala kesê nakîşîne û xwedî kêmasî ye.

Di dewrana Xatêmî de saziya we bêtir çalak bû. Demekê ne wisa bû, lê niha 2 sal e dubare aktif bûye.

Xebata me di dema serokkomariya Xatêmî de gellek berfireh bû. Hindî zeman derbas dibe, em jî di karê xwe de pisporî dibin û xebatek zêdetir dibin.

“Li Urmîyê Azerî di nav desthilatê de ne û Kurd li derve hiştine”

Kurdên Urmîyê vê carê bêtir beşdarî hîlbijartinan bûn. Sedem çi bû? Gelo mafê Kurdên Urmîyê li Meclîsa Îranê tenê nûnerek e?

Cara borî Kurdan ti nûner neşandin meclîsê, loma vê care bi hêzek mezin xwestin li nûnerên xwe binêrin. Beşdariya vê gerê

reaksiyona cara din bû. Kurd gellek beşdar bûn û ew rikeberiyek navçeyî bû, ne ya giştî. Lê bi rastî nizanîm bêjim ku li Urmîyê Kurdan mafê nûnerekî meclîsê hene yan çend.

Eger ev rewşa niha berdevam be, hûn çi encaman bo civaka kurd pêşbînî dikin?

Pirsgrêka Kurd dozêk etnîkî ye û heya ew mesele çareser nebe rewş wê wiha be û pisporên kurd eger wiha ji rêveberiyê bêpar bin, wê pêşerojê reaksiyonan nîşan bidin.

Dema erdhej li Wanê çêbû, we gellek alîkarî kom kir û we alîkarî gihandin xelkê Wanê. Vê yekê gel kêfxweş kir. Hûn girîngiya wan karan çawa dibînin?

Ew yek dibe sedema yekîtiya netewî ya Kurdan li derveyî sînoran.

Hevpeyvîn: Azad Kurdî

ZEN-TAX
Steuerberatungsgesellschaft mbH

Reklam

Tel.: 0221 - 16 83 17 42 • Fax: 0221 - 16 83 17 43
e-Mail: info@zen-tax.de • web: www.zen-tax.de

Navnîşan: Hohenstaufenring 55 • 50674 Köln

» Mihesebeyaya Mali
» Mihesebeyaya Heqdestê Karkeran
» Hesabê Salê
» Beyanên Bacê
» Şewirmendiya Avakirina Kargehan
» Karên Din

» Finanzbuchhaltung
» Lohnbuchhaltung
» Jahresabschlüsse
» Steuererklärungen
» Existenzgründerberatung
» Sonstige Leistungen

Doç. Dr. Vahap Coşkun: Înkar qediya lê asîmîlasyon didome



» *Bila partiyên serxwebûnê diparêzin jî bîn avakirin.*

» *BDP, AKP û CHP wê dê li ser ravekirina "welatîbûna Tirkîyeyê" li hev bikin.*

» *Eger pirsgirêka kurd tinebûya, niha zû de Tirkîye jî xwe re modeleke xweserî, federasyon an jî eyaletan ava kiribû.*

guhertin yan na?

Li gorî min herçar partî jî wê li ser vê xalê li hev bikin û wê bibêjin makeqanûn pêwîst e li ser esasê mafên mirovan û bi temamî girêdayî mafên mirovan be.

Xala 42emîn li hemberî perwerdehiya zikmakî asteng e. Hûn vê yekê çawa dinirxînin?

Di vê xalê de tê gotin zimanê perwerdehiyê tirkî ye û ji xeynî zimanê tirkî ti ziman ji bo welatîyên Tirkîyeyê nikare weke per-

ser nijadekê neyê ravekirin û ji nijadbûnê bê safîkirin. Divê welatîbûn an weke "welatîyê Komara Tirkîyeyê" yan jî tenê weke "welatî" bê binavkirin.

BDP dixwaze makeqanûn bêalî û notir be. Lê KADEP û HAK-PAR dixwazin di makeqanûnê de nijada Kurd bê destnîşankirin. Kîjan maqûl e?

Li gorî min welatîbûna makeqanûnê çêtir e. Du taybetiyên vê yê girîng hene. Yek; welatîbûn li

kirina vê polîtîkayê ye. Her serê sibeyê zarokên kurd radibin, li dibistanan dibêjin "xwezî bi wî kesê ku dibêje ez Tirk im". Ev encam û nîşaneyê yekê ye.

Bi nîqaşên makeqanûnê re "pergala serokatîyê" kete rojeva Tirkîyeyê. Ev model ji bo Kurdan baştir e yan na?

Li gorî min bi pergala parlementerî, pergala serokatî û pergala nîvserokatîyê jî mirov dikare demokrasiyê bi pêş bixe. Divê rayeyên navendî ji herêman re bîn hiştin. Mînak li Amerîkayê partiyên bi dîsîplîn nîn in, partiyên bê dîsîplîn hene. Daraz, rêveberî û qanûnçêkerî bi temamî ji hev serbixwe bîn. Lê ger Tirkîye sîstema serokatîyê bipeljirîne, wê çaxê neçar e herêman xweser îlan bike. Kurd jî wê ji vê yekê payê xwe bigrin. Eger pirsgirêka kurd tinebûya, niha zû de Tirkîye ji xwe re modeleke xweserî, federasyon an jî eyaletan ava kiribû. Lê ji tirsê ku wê "Kurd serê xwe rakin û veqetin", Tirkîye pergala xwe naguhêre. Bi ya min herçiqas Serokwezîr Recep Tayyîp Erdogan pergala serokatîyê diparêze jî, di nava AKPê de kesên dijberiya vê pergale dikin jî hene. Serokkomar Abdullah Gul û kesên weke Bülent Arınç naxwazin pergala serokatîyê çêbibe. Eger Tirkîye bixwaze vê pergale ava bike jî, bawer im rasterast nikare pergala serokatîyê deyne. Dibe ku pêşî pergala nîvserokatîyê ji xwe re deyne. Li gorî min pergala nîvserokatîyê wê zêdetir daxwazên AKPê bi cih bîne. Eger ev sîstem çêbibe, daxwaza Kurdan a statûyê û xwebirêvebirinê, bi qismî jî be, wê çareser bibe. Li gorî hin siyasetsêmedaran, Fransayê piştî ku pergala nîvserokatîyê anî, pirsgirêka Cezayîrê çareser kir. Pirsgirêka Cezayîrê bi pergala parlamentoyê çenedibû.

Herçar partiyên Kurdan jî di makeqanûnê de dixwazin 4 daxwazên hevpar bi cih bîn.

Belê herçar partî û sazîyên din ên Kurdan jî dixwazin nasnameya kurd bê qebûlîkirin, mafê statûya siyasî bê naskirin, perwerdehiya bi kurdî bê pejiwandin û mafê xwebirêxistinê bê naskirin. Li gorî min ev daxwazên maqûl û rewşa ne. Tê xwestin ku bi navê "Kurd û Kurdistanê" partî û sazîyên sîvîl bikaribin bîn avakirin. Daxwaza xwebirêvebirinê daxwazeke pîrr maqûl e. Divê partî û sazî bikaribin bi navê "Kurd û Kurdistanê" bîn danîn. Bi şertê ku serî li tundiyê neyê dayîn, divê partiyên ku bikaribin serxwebûnê biparêzin jî bîn avakirin. Divê partiyên ku serxwebûnê dixwazin neyên astengkirin. Ev yek wê bi xwe re zelaliyê bîne. Wê pêşî siyasetsêmedaran durî jî bê girtin. Ev daxwaz ne tenê ji bo çareserîkirina pirsgirêka kurd, ji bo demokratîkbûna Tirkîyeyê jî daxwazên rewşa, demokratîk û xwezayî ne.

Hevepyvîn: Maşallah Dekak

Hi q û q n a s Doç. Dr. Vahap Coşkun, ku li Zanîngeha Dicleyê ya A m e d e dersên hiqûqê dide, derbare makeqanûna nû ya li Tirkîyeyê tê amadekirin de, fikr û ramanên xwe ji Rûdawê re parve kirin. Dr. Vahap Coşkun xwest ku di makeqanûna nû de mafên statû, perwerdehiya zikmakî bê naskirin û Kurd bikaribin bi navê "Kurd û Kurdistanê" partî û sazîyên sîvîl ava bikin. Coşkun got, bi şertê ku serî li tundiyê nedin, divê partiyên ku serxwebûnê jî diparêzin bikaribin bîn avakirin.

Dema em li komîsyona makeqanûnê binêrin, hûn bawer dikin wê bikaribin hersê xalên ewil biguherînin?

Du ramanên cuda hene. AKP û BDP dibêjin ew makeqanûneke nû çêdikin, girêdayî ti xalî nîn in. Lê MHP û CHP dixwazin ev hersê xal jî weke xwe bimînin. Li gorî min ji bo ku makeqanûn nû be, divê hersê xal jî bîn guhertin. Di vê meseleyê de wê nîqaşên girîng çêbibin. Yan divê qet ev xal tine bin, anjî divê naveroka van xalan biguherin. Li gorî baweriya min ev hersê xal jî wê bîn rakirin.

Di makeqanûnê de tê gotin "makeqanûn li hemberî mafên mirovan hurmetkar e". Gelo ev xal wê weke "makeqanûn mafên mirovan esas digre" bê

werdehiya zikmakî bê dayîn. Ev li hemberî daxwaza perwerdehiya zikmakî ya Kurdan asteng e. Li vir du rê hene. Yan hûnê perwerdehiya zikmakî di makeqanûna nû de bi cih nekin û ji qanûnan re bihêlin, yan jî hûnê perwerdehiya zikmakî weke xaleke cuda di makeqanûnê de bi cih bikin. Mînak di makeqanûna Azerbaycanê, makeqanûna Rûsyayê de mafêke bi navê "mafê zimanê zikmakî" heye. Li gorî vê xalê hemû kes dikare zimanê xwe yê zikmakî di perwerdehiyê, çand û hunera xwe de bi kar bîne. Ev xal wê di çêkirina makeqanûnê de pîrr bê nîqaşkirin.

BDP û partiyên din wê li ser vê xalê bikaribin li hev bikin?

Bi qasî min bihîst, BDP dixwaze "mafê zimanê zikmakî" di makeqanûnê de weke xaleke cuda bê bicîhkirin. Lê partiyên din ên siyasî li hemberî vê daxwazê derdikevin. Eger xaleke ku astengiyan li pêşîya mafê zikmakî radike di makeqanûnê de bê bicîhkirin, ev pirsgirêk, hindik be jî, wê çareser bibe.

Welatîbûna makeqanûnê jî nîqaşeke cuda ye. Li gorî vê xalê herkes weke "Tirk" tê dîtin.

Di vê xalê de welatî na, Tirk tên ravekirin. Hemû kes weke Tirk tên nîşandan. Ev xeletiyêke mezin e. Li gorî qenaeta min BDP, AKP û CHP wê dê li ser ravekirina "welatîbûna Tirkîyeyê" li hev bikin. Lê MHP wê dijberiya vê yekê bike. Bi ya min divê welatîbûn li

Bi şertê ku serî li tundiyê neyê dayîn, divê partiyên ku bikaribin serxwebûnê biparêzin jî bîn avakirin. Divê partiyên ku serxwebûnê dixwazin neyên astengkirin.

ser nijadek nayê çêkirin, du; welatîbûn weke amûra ragihandinê nikare bê bikaranîn. Li gorî qenaeta min, welatîbûn divê li ser esasê nijadekê neyê terîfîkirin û welatîbûn bêalî be. Yan jî divê di makeqanûnê de welatî neyên terîfîkirin. Bila tenê berpirsyarî û mafên welatîyan bê ravekirin. Makeqanûna Danîmarkê wiha ye. Li gorî ravekirina makeqanûna Danîmarkê, welatî xwedî azadiya dîn û wijdanê ye. Eleqeya xwe bi nijad û baweriya kesî nayîne. Ravekirineke wiha maqûltir e. Li gorî hin derdorê Kurd jî, divê di makeqanûnê de bê gotin "Tirk û Kurd avakarên vî welatî ne". Ev ravekirin jî pirsgirêk e. Lewre eger hûn herdu nijadan weke avakar bibînin, wê çaxê hûn nijadên din red dikin.

Hin derdorên Kurd dibêjin eger "nijada kurd" di makeqanûnê de cih negire, wê înkara Kurdan dişa bidome...

Kurd êdî nayên înkarkirin, jixwe êdî kes nikare Kurdan di vê serdemê de înkâr jî bike. Pêşveçûnên li cihanê vê yekê ji holê rakir. Tirkîye êdî Kurdan înkâr nake. Li aliyê din jî Herêma Federal a Kurdistanê Îraqê heye. Her tişt li wir li ser Kurd û Kurdîyê dimeşe. Di rewşeke wiha de kes nikare Kurdan înkâr bike.

Înkâr qediya lê asîmîlasyon berdewam nake?

Asîmîlasyona li ser Kurdan mixabin didome. Îro astengkirina perwerdehiya kurdî, berdewam-

Li Stenbola biçûk xwaringehêka kurdî ya navdar!

Armanc Egîd Nêrweyî

Cemşîd Mihemed Ebdullah ji bajarê Silêmaniyê ye û ji sala 1996ê ve li Berlînê dijî. Ew xwediyê xwaringeha navdar Lasan e ku xwarinên kurdî dipijîne. Ebdullah ji Rûdawê re diyar kir ku wî navê keça xwe li xwaringehê daniye. Li xwaringeha wî ligel xwarin û nanê germ ê bi tam, muzîka resen a kurdî jî heye.

Rojane li xwaringeha Lasan bêtir 800 nanên tenûrê tîr çêkirin û firoştin, bi awayekî paqij û bi tameke xweş. Ew bi komeke 6 kesî rojane nan dipijîne. Weke Cemşîd Mihemed Ebdullah dibêje, muşteriyên nanê wî Kurd û biyanî ne û Alman jî

hene: "Ji ber ku xwarina nanê tenûrê pirr sivik e." Cemşîd bavê du zarokên bi navên Lasan û Lewend e û ew ligel hevîna xwe li Berlînê dijîn. Wêneyên wî ligel Serokê Herêma Kurdistanê, Serokkomarê Îraqê û pirraniya serokên partiyên Kurdistanê hene û herwiha hunermend û rewşenbîrên Kurd hatine cem wî û li xwaringeha wî bûne mêvan.

Ji 70 % muşteriyên wî biyanî ne

Lasan xwaringeha Kurdan e lê wek ku xwediyê wê Ebdullah dibêje, "Kurd ji sedî 30 muşteriyên min in, lê ji sedê 70 muşteriyên min biyanî ne." Ew derbarê sedemên çima Kurd

kêmtir tîr cem wî dibêje, "Em Kurd fêrî kultura derve nebûne û nizanîn çawa tevî malbat û dostên xwe heftiyê carekê derkevin û li cîhekî weke xwaringeha me, ku bi tama xwarin û muzîka resen û xizmeteka pirr baş e, rûn û xwarin bixwen. Tirk, Erebi û Fars bêtir ji Kurdan fêrî kultura derve bûne û bi kom, tevî malbat û heya mêvanên xwe, tîr cîhên dilveker û dema xwe lê diborînin."

Di dawiya axaftina xwe de xwediyê xwaringehê dibêje ji bo Kurdekî ji Başûr pirr zehmet e ku bikaribe di nava Tirkên de kar bike, ji ber ku "Tirkan li Kreuzbergê weke Stenbola biçûk kirine û xwaringehêka kurdî ya navdar li Stenbolê min beriya sê sal û nîv avakir."



Cemşîd M. Ebdullah û Chopî Fetah li xwaringeha Lasan



Kurd û Lobî

Abdullatif Canimana

Rêxistinên Kurdan di doza kurdî û daxwaza welatekî azad an jî federatîv de, tenê bi çavên ideolojîk û leşkerî li doza xwe dinêrin. Ka di vî warê de çiqas serketine li holê ye.

Lê bêtir pirr tiştê bal-kêş e ku Kurd ji ber sedemên bindestiya welatê xwe, (dewlemendiya ser û bin axa Kurdistanê), ti siyasetekî baş û bi bingehe neanîne holê. Dewlemendiya Kurdistanê sedema herî mezin e ku dijminên me Kurdistanê di bin destê xwe de dihêlin.

Kurdên karsazên ku gellek tişt bi destê wan dibe, ji ber sedemê tunebûna rêxistinên xwe, ew nikarin wek karsazên Kurd jî bîn naskirin. Ew karsazên Tirk,

Siyaset bê aborî nabe, aboriya bê karsazan jî nabe. Divê ev herdu tişt bihev re bîn biukarînin.

Ereb û Faris in. Ev jî rewşeke ji jiyana neteweke bindest e ku xwe gellek trajîk li ber çavan dide raxistin.

Siyasetmedarên welatên serbixwe di hemû beşên jiyana de xebatê dikin. Tunebûna rêxistineke karsazên Kurd kêmasî û valahiyeke gellek mezin e, ev jî bo hemû diasporaya Kurd wisa ye, bê guman ev jî dide zanîn ku siyaseteke Kurdistanê di vî warê de xwediyê ti taybetmendiyek nîne. Hêjayê gotinê ye ku Hikûmeta Herêma Kurdistanê dikare piştigirî bide karsazên Kurd, da ku rêxistinek li ser hîmê karsaziyê were damezrandin.

Karsazên her welatekî firoşkerên welatê xwe ne.

Ger firoşker nebin, ew welat jî nikare bikeve nav pêwendiyên navnetewî. Ji ber ku karsaz li pey berjewendiyên xwe ne, sînorên ti welatan jî nasnakî. Ji ber vî jî hewce ye em qala globalîzmê bdikin. Ku mirov rola xwe di nav glo-

balîzma îro de baş bilîze, wê karsaz jî karibin xizmeta welatê xwe bikin.

Me di destpêkê de got ku dewlemendiya Kurdistanê bela serê Kurdan e. Belê dewlemendiya Kurdistanê bela serê me Kurdan e, ji ber ku feyda vî dewlemendiyê nagihîje Kurdan. Dibe ku Kurd di vî warê de jî çek bi destê xwe bixin, ev jî rêyeke sazîrîna dezgehên karsaziyê ye. Ev jî di nav xwe de dibe sedem ku aboriya Kurdan divê bi profesyonelî bixebite. Bê rêxistin bazîrganiya Kurdan nagihîje ti dîsîplînê.

Tirk dibêjin ku ew li Almanyayê jî sedî bîst û pêncan grûba herî mezin ya hemû biyanîyên li Almaniyayê pêktînin. Ji sedî bîst û pêncê grûba herî mezin ya ku Tirk iddia dikin, nîva wan zêdetir Kurdên ji Bakûrê Kurdistanê ne. Ku Kurdên ji başûr û ji parçeyên din jî di nava Kurdên Bakûrê Kurdistanê de werin hesibandin, bê guman hêza aborî ya Kurdan ji grûba Tirkên derbas dibe û hezeke gellek xurt jê çêdibe.

Herwiha tê gotin ku 80

hezar karsazên Tirk li Almanyayê hene. Mirov dikare bi hêsanî bêje ku nîva wan karsazan Kurd in. Ku kurdên ji parçeyên din jî li ber çav werin girtin, hejmara Kurdên karsaz li gorî grubên din yê biyanî digihîje asteke bilind. Hejmara karsazên Kurd di navbera 40 û 60 hezaran de ye. Ev potansiyel dikare karên cûrbecûr pêkbîne ku karibe li ser rewşa politîk a Kurdan jî bi awayeke erênî bandorê bike.

Li Rojhilata Navîn hinek welat hene ku beriya 40-50 salan ew jî bindest bûn. Ji ber listina rola xwe ya erênî û xebata lobiyê de gellek encaman politîk bidest xistine. Îro jî gellek welat dikarin bi rêya alîkarî û piştigiriya lobiyê li ser piyan bimînin. Herwiha dikarin li seranserê dinyayê bibin xwediyê gotinê jî. Ne şert e ku Kurd berê serbixwe bin û paşî bibin xwediyê sermiyanekê netewî.

Organîzekirina sermiyanê li pêşîya siyaseta Kurdan vedike û rewşa gelê Kurd di kare di qada navnetewî de cihê xwe yê aktuel bigire.

Siyaset bê aborî nabe. Aboriya bê karsazan jî tune ye. Divê ev her du tişt bi hev re werin bikaranîn. Ti dewlet bê organizasyonên sivil birêve naçe. Divê em li ser avakîrîna rêxistinê an jî organizasyoneke karsaziya Kurd bixebitin. Herwiha divê ew rêxistina karsazî ya ku were damezrandin ji hemû fikrên kurdî re vekirî be. Ji kîjan parçê Kurdistanê dibe bila bibe, nêzikê kîjan partiyên Kurdan dibe bila bibe, divê Kurdên karsaz di nav sala 2012yê de xwe bigihînin rêxistinek an jî organizasyonek. An organizasyonên lokal, an organizasyonên netewî, an jî organizasyoneke navnetewî bê avakirin. Divê Karsazên Kurd raste rast têkiliya wan bi hev re çêbe. Bi alîkariya hemû medyaya kurdî divê em bo avakirina organizasyona karsazên Kurd dest bi xebatê bikin.

Bi hêviya welatekî azad û wekhevî û demokrasiya bi pratîk û ne teorîk. Bi hêviya netewekî xwediyê hemû organizasyonên ku pêwîstiya wan di hemû beşên jiyana de hene.

Parêzer Uzun

Em li seranserê Almanyayê di xizmeta we de ne

Buroya Parêzeriyê

Parêzer Oktay Uzun

Beşên me yê kar

Dadweriya Kar (Arbeitsrecht)

Dadweriya Aborî (Wirtschaftsrecht)

Dadweriya Trafîkê (Verkehrsrecht)

Dadweriya Werzişê (Sportrecht)

Dadweriya Peymanê (Vertragsrecht)

Dadweriya berpirsiyariya pîzîşkî (Arztaftungsrecht)

Navnîşan:
Sonnemannstr. 3
60314 Frankfurt am Main

Tel.: 069 - 49 600 87
Fax: 069 - 49 600 88
email: info@kanzlei-uzun.de
web: www.kanzlei-uzun.de

Bi me cihêwaz bibin.

Ji bo reklam, dizayn û çapkirinê em di xizmeta we de ne.

Reklama televizyon û rojnameyan, flyer, afîş, name, eşyayên xelatan, kovar, pirtûk, malperên internetê, dawetname...htd. Bi kurtasî ji bo her pêwîstiyek we di aliyê reklam û çapkirinê de...

Hûn jî xwe bighînin me...
Hûn jî cihêwaziyê hîs bikin!

graf-adolf-str. 70a
40210 Düsseldorf
tel.: 0211 - 17957982
fax: 0211 - 17957983
www.dassign.de
info@dassign.de

DAS | SIGN®

werbeagentur & verlag gmbh

mobil : 0173 - 270 67 81

Reklam

Di ciwaniya xwe de soz dan hev...

Mihemed û Mirwet piştî 35 salan gihiştin hev

Ferman Çomanî Qeladizê

Beriya 35 salan Mihemed Ehmedî (59) û Mirwet Ebasî (50) soza "emê bo hev bîn, an emê nezewicin" dabûn hevdu. Kesûkarên van herdu evîndaran bi dirêjahiya van 35 salan di rêya hevgihiştina wan de asteng bûn. Lê di meha borî de herdu evîndar ketin qefesa zêrîn a hevîniyê. Ev herdu evîndar niha di xaniyekî biçûk de li bajarokê Qeladizê li Başûrê Kurdistanê meha hingivî derbas dikin.

Mihemed ku di nava xelkê navçeyê û xizmên xwe de bi "Hacî Ayşe Reşê" naskirî ye, çiroka evîndarbûna xwe bo Rûdawê vegot: "Mala Mirwetê li gundê Bestestên ê girêdayê navçeya Sengese bû û bi serdanê hatibû Qeladizê. Dayika wê keça xalê min e û dema vegeriya dayika min got divê tu ligel wan biçî. Em di rê de axivîn û ketin davên evîne û min ew razî kir ku bi min re bizewice."

Mihemed heyam heyam ji Qeladizê diçû Bestestên bo dîtina evîndara xwe. Piştî çar salan Mihemed diçe xwazgîniya Mirwetê, lê kesûkarên wê doza 3 keçên biçûk li himber Mirwetê dikin: "Tevlî ku mirovên me qayil bûn, lê ez razî nebûm ku ew keça bibin qurban. Ez careke din jî çûm xwazgîniyê û dayika wê her qayil nebû."

Malbata Mirwetê berî 22 salan berê xwe dide Rojhilatê Kurdistanê û li gundê Mîraweyê yê girêdayî qezaya Serdeşt bi cih dibe. Lê wê dûriyê tiştek ji evîna van herdu evîndaran kêr nekir û bêtirî berê ji hevdu hez dikin. Mihemed dibêje: "Di vê demê de hertim haya me ji hevdu hebû û



Mirwet û Mihemed

me rewşa hevdu pirs dikir. Dema Mirwet bi serdan dihat, me bi telefonê ligel hevdu diaxivî."

101 misqalên zêr...

Mihemed Piştî 35 salên evîndariyê careke din diçe xwazgîniya Mirwetê, lê wê carê kesûkarên wê qayil bûn: "Min Mirwet li Îranê li

cem melayekî mehr kir û paşê min ew anî Qeladizê û li dadgehê girêbesta hevîniyê çêkir." Mihemed herwiha got "min ew li ser 101 misqalên zêr mehr kiriyê. Lê min 11 misqal bo wê kirîne û 90 misqalên jî deyndar im."

Mirwet Ebas jî bi şermokî dibêje "tevlî ku ez ji Mihemed dîr ji bûm, lê min dizanî ku ew ne zewicî ye û li hêviya min maye.

Loma her kesê ku dihat xwazgîniya min, min ew bi hêncetekê red dikir. Me soz dabû hevdu."

Mirwet piştî ku hat mehr kirin, rêya qaçax a sînorê navbera dewleta Îran û Îraqê di 3 demjimêran de derbas kir, heta ku giha Mihemed. Niha ew di xaniyekî du odeyî de dijîn. Mihemed dibêje "evîna me piştî 35 salan roj bo rojê bêtir nû dibe. Ji xweşiyan hemû tehli-

yên berê ji bîra me çûne."

Mihemed dibêje çend caran ji wî re gotine Mirwetê birevîne, lê wî red dikir, "ji ber ku ez piştrast bûm ku emê rojekê bigihin hev." Mirwet jî bi heman şeweyî dibêje "xelkê digotin xwe ligel wî bide revandin. Di temenê ciwaniyê de ev daxwaz ji min bikira ez ligel wî diçûm, lê piştî ez poşman bûm."

Tevlî ku kesûkarên wan bo avakirina vî xaniyê ku lê dijîn arîkariya wan

"Dibêjin dayika min bi wî şertî dabûn bavê min, ku eger keçeke wan çêbû, ew wê keçe bidin xortekî malbata dayika min."

ki - rine jî, lê ti dahateke wan tine. Mihemed mûçeyekî mehane wê digre ku tenê 75 hezar Dînar e (60 Dolar) û îmkânên wî yên karkirinê jî tine, loma ew doza arîkariyê ji hikûmetê dike. Mihemed nikaribû daweta xwe û Mirwetê jî li dar bixe, "me govend saz nekir, tenê mirovên me yên nêzîk hatin û me hinek wêne girtin. Ji aliyekî temen û ji aliyekî din jî mesela darayî asteng bûn bo sazkirina ahengê, yan me dixwest em dawetê bikin."

Ji ber meziniya temenê wan, hêviyên çêbûna zarokan bo herdu evîndaran kêr e, lê dîsa ji hêvî dikin ku xweda zarokekî bide wan û dibêjin, "eger keçeke me çêbû, emê rê lê negirin û divê ew bi xwesteka xwe bizewice."

Piştî 55 salan hatin berdan Fatê û Ayşe di dergûşê de mehr kirin

Ferman Çomanî Sengese

Li devera Raperîn, li Başûrê Kurdistanê, bi hewlên çalakvana mafê jinan, Fewziye Mela Nebî, tenê îsal 95 keçên ku bi zarokatî hatine mehrkirin, karîne berdana xwe bidin qebûl-kirin û azadiya xwe bistînin. Fewziye Mela Nebî kariye heta niha 150 keçên di vê rewşê de bide berdan. Du keçên ku van rojan bi arîkariya Fewziye xwe dane berdan, Fatê Resûl Mistefa (55) û Ayşe Şêxe (59) ne. Her yek ji wan ev 55 sal in ku çaverê bûn, heta ev kesên ew bi zarokatî mehr kiribûn razî bûn ku wan berdin.

Beriya 55 salan, dema Fatê ji dayik bû, ew li xortekî hat mehrkirin. Fatê dibêje: "Dibêjin dayika min bi wî şertî dabûn bavê min, ku eger keçeke wan çêbû, ew wê keçe bidin xortekî malbata dayika min.

Wate, berî ku ez bêm ser dinyayê, bazara min kiribûn û dema ez hatim ser dinyayê, wan rasterast ez li pismamekî dayika min mehr kirim û berî mehekê ez berdâm."

Fatê heta niha nezewicî ye. Heft salan berê jî, dema bavê wê wefat kir, ew bi tenê ma û niha li gundê Derekotrî ye girêdayî navçeya Sengese di xaniyekî axê de dijî û bo peydakirina pariyê jiyanê jî du çêlekan xwedî dike. Ew dibêje: "Ev kesê ku ez lê hatibûm mehrkirin, gellekî daxwaz kir ku ez pêre bizewicim, lê ez pê razî nebûm û min hertim xwe jê dîr dikir û her cîhê ew diçûyê ez nedîçûm wir." Ev kesê ku Fatê lê hatibû mehrkirin, bavê xort û keçekê ye. Fatê dibêje heta wê roja ku ew berda jî, vî zilamî her dixwest ew bizewicin: "Eger ez di dergûşê de lê mehr nekiribûma, ezê pê re zewicibûme. Lê eger min daxwaz bi-

kira, wî ez bernedidam û min jî wê şerm bikira ku doza berdanê bikim. Lê niha ku ez hatime berdan, êdî temenê min mezin e û ez naxwazim bizewicim."

Ayşe Şêxe bi heman şeweyê Fatê bi zarokatî, di temenê 4 salî de, hatiye mehrkirin. Ayşe ligel Fatê hatiye berdan û li heman gundî jî dijî. Ayşe dibêje: "Dema mamê min jin anî, ez û keçeke din li şûna jina mamê min dan. Min jî ji ber kesa-tiya bav û mamê xwe ti carî doza berdanê nekir, dilê wan ji min re girîng bû. Ew kesê ez lê hatibûm mehrkirin jî ez bernedam, tevî ku 9 zarokên wî jî hebûn."

Adetên eşîrî

Ayşeya niha 59 salî li mala birayekî xwe dijî û ji hikûmetê dixwazê ku mûçeyekî mehane bide



Ayşe Şêxe



Fatê Resûl Mistefa

wê. Axa Şêxe (37) erkê xwedîkirina Ayşe girtiye ser milê xwe. Ew dibêje: "Ji ber zalbûna adetên eşîrtî, kesî keç û xwişkên xwe nedikirin heta dizewicîn, loma me jî xwişka xwe nekirî. Bêguman ev mehrkirin jî sedemek bû ku xwişka me nezewice."

Çalakvana mafên jinan ya ji bajarokê Sengese, Fewziye Mela Nebî, ku bêtirî demên xwe bo rizgarkirina van keçên ku bi zarokatî hatine mehrkirin terxan kirine, ku ew bi xwe jî yek ji van bû, dibeje ku niha navê bêtirî 100

keçan li cem wê hene û ew bo berdana wan dixebite. Fewziye derbarê van herdu keçên bi temen dibêje: "Min dît ku temenê van herduyan kamil bûye û min zanî ku ew şerm dikin doza berdanê ji mezinan bikin. Loma me ji desgirên wan xwest ku ew wan azad bikin. Bi rastî mixabin ku ji ber zalbûna adetên eşîrtî kesûkarên wan jî berê neçûne keçên xwe bikirin, loma heta niha mane û nezewicîne û bûne qeyre [keçên ku temenê zewacê derbas kirine - Rûdaw]."

Pirsa Kurd, ol û nîjadperestiya desthilatê - I

Selahattin Çelîk



Bêguman dîroka olan bi dîroka mirovan re hevrastr diçe. Ol hêmaneke bingehîn a jiyana civakî ye. Û rast e ku ol bi peyamên dadmendî û wekhevîyê derdiketin. Lê di pratîkê de encam berevajîya van peyaman e. Desthilatdar, dagirker û mêtînger ol û bawerîya girseyan ji bo berjewendiyên xwe bi kar tînin.

Em dûr neçin, di dîroka nêzîk de rewşa Kurdan bidin ber çavên xwe. Her çar dewletên serdestên Kurdistanê xwedêgiravî bi bawerîya Îslamê tevdiagerin. Her tim qala dadmendiya Îslamê û biratiya Misilmanan dikin. Lê ev çi dadmendî û biratî ye ku her tim li dijî Kurdan e; yên din azad, Kurd kole ne; yên din dewlemend, Kurd hejar in; ziman û çanda yên din azad, lê ya Kurdan qedexe ye.

Em baş zanin ku gava desthilatên Tirkiye, Îran, Îraq û Sûriyê komkujî li dijî Kurdan dikirin, peyamên îslamî bi kar dianî. Ji 1880î heya demên dawî kesayetên olî rêberîya berxwedan û raparinên Kurdan kiribûn. Şex Ubeydullah, Şex Seîd, Seyîd Riza, Qazî Muhammed û Mistefa Barzanî serokên olî bûn jî. Zêdeyîya wan, ji aliyê xwedêgiravî Misilmanan hatibûn daleqandin. Li Tirkiye, Îran, Îraq û Sûriyê ti

zanyarên îslamê ev bûyer neanîne rojeva xwe, ti gotinên wan li ser tine ne û hêjî darvekirinan û veşartina termên serokên Kurdan şermezar nakin û ti nakokî di nav tevger û helwesta xwe de nabînin.

Di 1924ê de li Elkê (Beytûşşebap) eşîran li pêşberî arteşa tirk li ber xwe dan. Ji aliyê Sêrtê, di ser Berwarî de, yekîneyên artêşa tirk ber bi Elkê ve diçûn. Di pêşîya leşkeran de melayekî dengxweş hebû. Bi dengê zîz û bilind Quran dixwend. Vê jî bandor li Kurdan dikir. Lê li leşkerên tirk nedikir, wan komkujîya xwe berdewam dikirin. Di 1984ê de, li devera Elkê, gundiyekî pîr ji eşîra Jirkiyan ev bûyera balkêş û sosret ji min de got. Wî bi xwe hingê şahidiya bûyerê kiribû.

Li Kurdistana Rojhilata leşkerên Xumeynî li ser navê Îslamê Kurd gulebaran dikirin. Wêneyên gulebaran kirinê li dinyayê dibûn wêneyên yekemîn yên salê. Îran li ser navê Îslamê tekoşerên Kurd darvedikir û hêjî dike, him jî bi awayekî qebûxwestine.

Helepçe, sal 1988ê, êdî di mejiyê me de, bi awayekî ku qet dernekeve cîh girtiye. 5 hezar Kurdên bêguneh bi çekên jehr hatin qirkirin. Saddam Huseyn di heman salê de komkujîyên xwe berdewam kirin. Nêzîkî 200 hezar Kurd hatibûn kuştin. Ji xaçperes-

Her tim qala dadmendiya Îslamê û biratiya Misilmanan dikin. Lê ev çi dadmendî û biratî ye ku her tim li dijî Kurdan e; yên din azad, Kurd kole ne; yên din dewlemend, Kurd hejar in; ziman û çanda yên din azad, lê ya Kurdan qedexe ye.

tan çek dikirîn, birayên xwe yên misilman, lê yên ne ji nîjada xwe, qir dikirin. Çi bû? Konferansa Dewletên Misilman, bi yek gotinê be jî, komkujî û nîjadkujî şermezar nekirin. Ji ber ku yên hatibûn kuştin Kurd bûn.

Em hêjî pêve herin: Kenan Evren dibe ku di jiyana xwe de bergê Quranê ranekirîye, eşhedanîne nezane, ti caran nimêj nekiriye, lê di serdema serokdewletîya xwe de, di civînên xwe de, ji Quranê ayet dixwendin û digot ku "şervanên Kurd xaçperest û ermenî ne."

Ez bi sedîsed jê bawer im ku Tansu Çiller nezane Kabe li kû ye û berê wê bi kû derê ve ye. Lê serokê dezgeha Diyaneta Tirk li pişt vê kesa gemar disekinî û peyamên kîret weke "rakirina termên kesên bi AIDSê dibe, lê ya şervanên Kurd nabe" didan. Û ev kes xwedêgiravî berpirsiyarê serekê yê ola Îslamê bû.

Balafirên tirkan ayetên olî diavêtin her gund û bajarên Kurdan. Bi tamîmên Diyanetê melayên mizgeftan li dijî tekoşîna Kurdan weaz didan û hêjî didin. Ji Baasê heya çepgir û bizavên olî yên tûndrew, di nexşeyên Ereban de Kurdistana Başûr û Rojava di nav xaka Ereban de ye. Herçiqas li Başûr herêma xweser hebe jî. Li nexşeya Rojhilata Navîn binêrin,

ka çend dewletên ereban hene? Gellek ji wan, dev ji komhejmara Kurdan berde, ji bajarê Amedê jî biçûktir in. Misilmanên xwedêgiravî birayên me, herêmekî xweser jî ji me de zêde dibînin.

Li belayokên El-Qaîde binêrin, gelên kole û bindest ên misilman tîr rêzîkin: Afganistan, Îraq, Bosna, Çeçenistan û her car Filistin heye, lê ti caran mirov rastî navê Kurdan naye. Weke ku Kurd tine bin, anjî weke ku Kurd ne misilman û ne insan in. Xwedêgiravî El-Qaîde rêxistineke înternasyonalîst ya îslamî bû. Lê eşkere ye ku gava pîrsa Kurd derketiye pêş, nîjadperestiya xwe dida pêş û dest.

Diyanet e ku di diyardeyê de nakokiyek heye. Di Quranê de ji bo rewadîtina zordariya li ser Kurdan û qedexekirina nîrxên wan ên netewî ti peyam tine ne; berevajî wê, dihat destnîşankirin ku "mîrovahî ji gelan û êlan pêk dihat" û dîsa dihat diyarkirin ku "mîrovê ku li himberî qewma neheq û zilmîdar raneweste, nîjadperest e."

Ji Kurdên ji rêzê, heya yên oldar, rewşenbîr û zanyar, erkeka awarte li pêşîya me ye; ku em li ser vê nakokîya bûyerê bisekinin, lêkolîn û hûrnêrînan li ser sedemên wê bikin û encaman jê derxînin û li gorî encaman helwestê wergirin. Him jî bi lezgînî.

Maf nabin mijara nîqaşan. Eger rapeçek (xesb) li ser mafekî hebe, divê bêgengeşî rabe, derfetê nede hewildanên tûnd û tûjiyê. Di sazûmanên demokratîk de, zagon çarçoweya erk, sûc, ceza û çawanîya sepan-dinê digrin nav xalên xwe. Herweha qedexekirina mafan nabin mijara xalên makezagonê jî, ku berevajî makezagon çarçoweya serwerîya dewletê diçespîne.

Nabe ku mafên mîletê Kurd ji bibin mijara zagon û makezagonên dagirkerên Kurdistanê. Mixabin rewşa îro ne weha ye, ji ber ku zagonên dagirkeran ne demokratîk in, herweha çandekî demokratîk hêjî li van welatan cîh negirtiye.

Ji ber vê, mixabin gellek caran ji dagirkeran peyamên ji hedê xwe der, tîr bihistin.

Herî dawî Nûrî Malîkî bal kişand ser makezagonê, ku makezagon rê nade çarenivîsa gelê Kurd. Li Bakurê Kurdistanê peyamên weha her roj tîr bihistin. Ev jî ne li ser çarenivîsê, gengeşî negihîştîye wê astê, carinan li ser perwerdeya bi zimanê Kurdî, lê pirranî li ser çend mafên "marjînal" e.

Heçku, makezagon peymanên civakî ne, ku ew sazûmana vî welatî diyar dikin. Gellekî girîng

Mahmut Kilinc

Maf û retorîka olî



Mitîngerî weha ye, bi mebesta ku pergala xwe bidomîne, wijdan didin aliyekî, dikeve paş perdeya nîrxên pîroz.

e ku makezagonê demokratîk hebe û dewlet û desthilat rêz lê bigre û xalên wê bisepîne.

Eger ew nebe, rewşek nû derdikeve holê û layên siyasî, an gelek û kêmjimarên wî welatî, mafê wana heye ku helwestek siyasî ya nû bigrin. Ev him mirovî û him jî hiqûqî ye.

Li Îraqê heta îro ne tenê Malîkî, hikûmetên berê jî rêz li makezagonê negirtin. Dîktatorekî din li Bexdayê aj dide an nade ew mijarek din e, bicîhneanîna maddeya 140ê ya makazagona Îraqê tenê bes e ku gelê Kurd helwestek siyasî ya nû bigre. Heta rêvebirîya Başûr dereng ma. Lewra, desthilata Bexdayê rêz li makezagonê negirt/nagire û ne diyar e ku wê çawa û kîjan çaxî maddeya 140ê bicîh bike.

Niha li Bakur jî gengeşiyek berdewam e. Ji ber ku "makeza-

gonêk nû" tê nivîsin, gengeşiyên di vî mijarê de gellekî girîng in. Lê belê fêla hikûmetê ne paqîş e, dilê wê tine ye ku di makezagona nû de dev ji nîjadperestiyê berde û qet nebe pêşîya perwerdeya bi zimanî Kurdî vebe. Jixwe bilêvkirina federasyon, xweserî an statuyekî siyasî wekî daxwazek "heram" tê dîtin û bi ya wan divê kêşên van tiştan dixwazin bêne cezakirin. Him jî xwe dispêrin xweşbêjeyên (retorîk) olî.

Bêfikare gellek caran zimandirîya parçeyên din yên Kurdistanê dikin. Binêrin, bi navê Prof. Abdulkerim Zeydan aqildanekî hikûmeta tirk li ser helwesta Başûrê Kurdistanê û pîrsgirêka Kerkûkê qaşo "fetwayek" çawa dide: "Peyana (teşebbûs) ku bi awayekî federalî an sîtema herêmî Îraqê qet bike, herhal (ferz) divê bê tine kirin. Ji kesên dixwazin vî

tiştî bikin re bi fiilî, bi gotin, bi pesandin, bi aborî û hwd. alîkarî ne caîz e. Heta bi kesên weha re divê pêwendî qut bibin û li dijî vana helwestek protestoyî bê stendin. Peyanek weha guneh e û rewşa ye ku kesên peyan didin bêne ceza kirin."

Niha li Tirkiyeyê êdî mafên mîletê Kurd bi nîrxandinên olî tîr bilêv kirin. Retorîkên olî û mafên mîletê Kurd di heman hevokê de cîh digrin. Divê mirov bipirse, çi pêwendîya federalizma welatêkî wek Îraqê û Tirkiyeyê bi "qet bûna ummetê" ve heye? Mitîngerî weha ye, bi mebesta ku pergala xwe bidomîne, wijdan didin aliyekî, dikeve paş perdeya nîrxên pîroz.

Hemî gelên misilman dewletên wana hene, "ummet" bi vî qet nebûye, çima bi nîv-dewleta Kurdî qet bibe?

Sedemên lawazbûna bihîstinê



❖ **Qerebalixa zêde:** Li tenîsta dengê bilind karkirina berdewam dibe sedemê lawazbûna hesta bihîstinê û carna jî ji dibe sedemê kerrbûnê. Dora 30 milyon amerîkî ji ber karên xwe raberî metirsiya ji destdana hesta bihîstinê ne. Lewma ji bo kesên ku li kêleka dengê bilind kar dikin, pîspor dibêjin, wergirtina bêhnvedanê yan bikaranîna parêzerê guh pêwsit e.

❖ **Birîndarî yan lêdana tund:** Lêdan yan derbên tund li serî carina dibe sedemê livandina hestiyên guhê navîn, yan jî ziyane digihîne damarekî. Guherîna ji nişka ve ya stresa derveyî, wek firîn yan noqbûna di avê de xeter e, bikaranîna darikên paqîkirina guhê hundir dibe ku bibe sedemê teqandina perdeya guh.

❖ **Derman:** Bandora hinek dermanan dibe sedemê lawazkirina hesta

bihîstinê, hinek dermanên dijî bakte-riyan, (çareserîya kanserê) lewma divê bi şewira doktor nebe û ji neçariyê nebe ti dermanek neyê bikaranîn. Herwiha bikaranîna Aspirîn ji bo demeke dirêj hesta bihîstinê lawaz dike.

❖ **Nexweşiyên demdirêj:** Hinek nexweşiyên demdirêj ku ne girêdayî guh in dibin sedemê lawazkirina bihîstinê, ew jî ji ber kêmbûna hatina xwînê ji bo guhê navîn û mejî wek nexweşiyên dil, şeker û daketina bergiriya laş.

❖ **Dengê bilind yê ji nişka ve:** Ji ber dengê pirr bilind û ji nişka ve (wek teqeya demançe, teqîn, listikên agirînê) dora ji sedî 71ê ciwanên amerîkî asta bihîstina wan nizim e.

❖ **Zimîniya aheng û konseran:** Dengê stranên bilind, dû re di guh de

dubare dibe, (jê re tê gotin zimînî) carna rêjeya bilindiya dengê konse- rekê digihe 110 dîsîplan, ew jî ewqasî bilind e ku bibe sedemê ji destdana bi- hîstinê piştî 15 xulekan. Ji destdana bi- hîstinê rû dide ger kesek ji bo demeke dirêj li pêşber dengê 85 dîsîplî de be.

❖ **Headphone:** Di dema guhdarî- rina muzîkekê yan her tiştekî bi he- adphone, yê li tenîsta te, pêwîst e dengê wê kêmbikî, bilindiya dengê headphone, bikaranîna wê ji bo de- meke dirêj, dibe ku bibe sedemê ji destdana bihîstinê.

❖ **Kombûna mûma di nava guh de:** Mûma ku di nava guh de heye, ji piştî û bakterîyan kanalê diparêze, lê ca- rina ew mûm kom dibe û req dibe, ev jî li ser bihîstinê bandorê dike û dibe ku guh azar bike jî.

❖ **Nexweşiyên zarokan:** Hinek nex- weşiyên zarokan bandorê li ser bihîs- tina zarokan dikin. Mînak: kulbûna guhê navîn dibe sedemê qelsiya bihîs- tinê.

❖ **Pîrî:** Ligel zêdebûna temen hêza bi- hîstina guhan lawaz dibe, ger mirov di tevahiya temenê xwe de guhên xwe parastibin jî her lawaz dibin. Rêyek tune ji bo girtina rê li ber lawazbûna bihîstinê li cem kesên pîr, lê rê hene ku vê yekê kêmbikin, wek çareseriyên pi- zîşkî.

Nehîştina qelewiye bi rêya bacê



Yek ji mamosteyên diyar yê beşa saxlemiya giştî ya Zanîngeha Oxfordê ji hikûmeta Brîtaniya dax- waz kir baceke zêde bavêje ser xwarinên ku ziyane di- gihînin saxlemiya giştî û brîtaniyan qelew dikin.

Dr. Michael Rainer dibêje pêwîst e bacekî ku bi qasî du caran li nîrxê wan be, li ser vexwarinên xazî û tîr dohn bê danîn.

Dr. Rainer eşkere kir ku ji her çar brîtaniyan ya yek qelew e yan jî giraniya wî zêde ye. Ev jî wisa dike dez- geha xizmetguzariya tendi- rustiyê ya niştimanî salane 8 milyar Dolaran zêde bike.

Navbirî navê vexwarinên ku divê bac li ser wan bê danîn diyar kirine û herwiha bac ji ser fêkî û sewzeyan

(şînkatiyan) bê kêmkirin.

Berê Denmark bac li ser dohn daniye û xwarinên ku rêjeya dohn di wan de bi- lind e giran kiriye, herwiha li Fransayê jî bac li ser Pepsi û Coca cola hatiye danîn, ev jî salane 400 hezar kesan ji qelewiye di- parêze û du hezar kesan jî ji mirinê diparêze.

Dr. Rainer dibêje: “Ne gi- rîng e xwarin germ yan sar be, ji xwarinên lezgîn yan xwaringehan be, tiştê gi- rîng ew e pêwîst e bacekî zêde li ser her xwarinekê bê danîn ku ziyane dide tendirustiya mirov, divê ji xwarinên bi doh bê destpê- kirin heya xwarinên şêrîn û şor, ger ev tedbîr neyên gir- tin jî êdî rêjeya qelewiye du caran li niha zêdetir dibe.”

Xaçepirs

Çeperast: 1- Misilman ji fi- lehan re dibêjin, xwedêne- nas, ate - Boyax kir, reng- rengo kir, neqîş kir. 2- Agir e, dişewitîne, xeter e - Di zimanê tipê de arkun, na- mûsa jinê (berepaş) - Ra- ketin, nivistin, di xew re çûn. 3- Zivronek, fitlonek - Kurtkirina navê Zeynep (berepaş) - Mektûp, reşbe- lek. 4- Mirovî, mirovatî - Notayek (berepaş) - Stra- nê bî xwedî, stranê ge- lîrî û xwedî ne diyar. 5- Li Pakistanê bajarek (bere-

paş). 6- (Îmmanuel) filo- zofekî Alman ku di sala 1724 an de çêbûye - Bi zi- manê Swêdî axavtin, peyi- vîn. 7- Kulîlkek zer û bîhnxeş - Heke, eger, meş, seyran. 8- Damar, reh, kok - Pê mû tîn hilkirin, meqesê mûhilkirinê. 9- Fê- kîyek kesk û şîrikî - Navê dans û govendek Îskoçî. 10- Navekî jinan, jina nermik - Sê tîpên gotina “revok”.

Serejêr: 1- Valakirin, wê- rankirin, xirakirin. 2- Êş,

jan, agirpêketin - Adet, tore, çand. 3- Îmkan, mecal, derfet - Du tîpên gotina “car”. 4- Ajansa Anadolû yê - Xilas, bê kêmasî, tevahî, erê. 5- Li der û dora Mêr- dînê kêmeteweyek niv Kurd û niv Ereb - Heywa- nek bi strî, derhêner Bah- man Gobadî ew firandibûn ezmanan. 6- Kesê ku çop û zibil ji kolanan dide hev (berepaş). 7- De Janeîro, duyemîn bajarê mezin li Brezilyayê - Agir, namûs, heya - Deng, awaz,

sewt. 8- Bi rengên cuda boyaxkirî, neqîşandî, ren- gane (berepaş). 9- Kesên ku goşt naxwin, pincaxur (berepaş). 10- Destnîşanki- rina tiştekî - Îş, xebat, fêde - Bangkirina li dû zilaman - Li Swêd, Norwêç û Danî- markayê sendîqeya karkir- ran. 11- Çêbû, hat dinyayê, şîn hat. 12- Deng, awaz. 13- Tîyatro, lîztika ser dikê. 14- Bangdana melê, gazîya ji bo nimêjê. 15- Navekî mîran, navdar. 16- Xwediyê huner, mahîr, pîspor (berepaş).

	1	2	3	4	5	6	7	8	9	10	11	12	13	14	15	16
1																
2																
3																
4																
5																
6																
7																
8																
9																
10																

Bersivên hejmara 146

	1	2	3	4	5	6	7	8	9	10	11	12	13	14	15	16
1	H	E	R	I	M	A	N	D	I	N		C	A	R	D	E
2	E	M	I	N		R	E		R	A	Z	A	N	D	I	N
3	M	E	N	D	O		R	R		Z	A	V	A		C	A
4	K	R		E	T	A	M	E	S		R	I	Z	N	E	X
5	A		E	K	O	L	O	J	I	K						
6	R	O	B	O	T		S	E	D	A						
7	I	S	A		R	E	K	N	O	B						
8	A	R	B	O	Q		E		A							
9	O	M	E		P	A	S	M	E	R						
10	R	A	D	E	S	T	I		M	E						

Mezopotamya Weqfa Şandina Cenazeyan



Mezopotamya canazeyên we dişîne herçar beşên Kurdistanê

Di rojên dijwar de em bi we re ne

Tel.: 02331 - 47 33 886

**Mobil: 0178 - 18 56 970
0172 - 27 24 163**



Navnîşan: Frankstr. 6 • 58135 Hagen/Almanya
E-Mail: sigortaci-alp@hotmail.de
www.mezopotamya-cenazefonu.com



Rewend dixwaze bizîvire Kurdistanê

Silav hevalno, ez Rewend im, 9 salî me û di pola sêyem de dixwînim. Ez ligel malbata xwe li welatê Norwêcê dijîm. Ez ji çêkirina wêneyan gellekî hez dikim. Hûn dizanin mamoste gellekî xwe di ber me de diwestînin û kedê di ber me de didin. Lewma dema ez mezin bûm, ez

dixwazim bibim mamoste. Ez heya niha çar caran çûme Kurdistanê, gellekî kêfa min ji Kurdistanê re tê û ez dixwazim ku dêbavên min bizîvirin Kurdistanê. Ez nizanim hûn ji kîjan stranan hez dikin, lê ez hem ji dengê Şakîra, hem jî ji stranên Ezîz Weysî gellekî hez dikim.

Eger dayik şad be, zarok jî şad e...

Li gor lêkolîneke nû, şadî û kêfxweşiya dêbavan di jiyana rojane de, bandorê li ser şadî û kêfxweşiya zarokan jî dike. Lê şadî, an jî neşadiya bavê, bi qasî dayîkan bandorê li ser zarokan nake. Lêkolîn diyar dikan eger dayîk di nav malê de hertim kêfxirab bin, zarok jî li derve, li dibistanê nebextewar dibin û têkiliyên wan ên sosyal jî xirab dibin.



Hejmaran girê bide



Tiştanok



Çiyayê bê kevir
Deryaya bê av
Daristana bê dar
Bajarê bê mirov.
Ew çi ye?

Bersiv: Nexşe